

Riba Dia Internacional di e Adulto Mayo

Aruba Bank a haci entrega di buki di historia na OPPA

Recientemente nos Directora Ehecutivo, sra. Gina Habibe-Arendsz, a bishita Organizacion di Pensionado Publico Arubano (OPPA) na nan cede y haci entrega di e buki di historia di OPPA.

E buki ta ilustra e cantidad di aña di existencia di OPPA y tur miembro lo ricibi un buki regalo.

Durante e dia aki a celebra Dia Internacional di Adulto Mayo den un forma special y nos ta contento di por a forma parti.

Nos ta felicita y gradici tur Adulto Mayor den nos comunidad y alabes ta declara cu semper por conta cu nos contribucion y aporte.





**INVEST
SECURE**

We don't just say it ... We Guarantee it !!!

25 Years

You can focus on your business
 If you leave your security protection up to us.
 Call 582-7252 for a free presentation.
 Email: insec@setarnet.aw



Gobierno tin cu duna pueblo bista di negoshi di Covid-Test cu ta tumando lugar

Mester haci Covid-Test na Corsou y yega Aruba bolbe haci esaki

Na momento c'un persona subi avion pa haci un biahe, e tin cu haci un Covid-test y e isla di Corsou tambe tin cu exigencia aki pa tur hende cu kier drenta e pais ey.

Por ehempel un persona e fin di siman aki a biaha diahuebs pa Corsou y mester a haci un Covid-Test aki na Aruba p'asina e por subi avion y drenta Corsou.

E persona aki a haci diferente tarea den fin di siman n'e hermana isla aki y diadomingo ora cu el a prepara pa subi avion y regresa den ora dia tardi, e mester a bolbe haci un Covid-Test cu autoridadnan di Aruba tambe ta exige prome cu

Awor si e testnan ey no ta suficiente, pa su sorpresa ora cu el a yega Aruba diadomingo anochi, ata e mester a bolbe haci un test na su yegada na Aeropuerto cual a bira si di 4 test den menos di un siman di tempo.

Ta lanta e pregunta si tur e testnan aki ta necesario y ta bon pa Gobierno splica di con e testnan aki ta necesario y cual proposito nan ta sirbi pa un hende wordo sometí n'e serie di testnan aki tras di otro.

E ciudadano den oranan di mainta a wordo sometí na un test na Corsou caminda den oranan di merdia el a wordo avisa cu e test a resulta di ta negativo, pues e por subi avion y regresa Aruba.

Awor pa su persona e asunto a bira hopi irritante ora cu na yegada aki na Aruba, tambe el a ser sometí na otro test, pues den menos di 12 ora e persona aki a test na dos ocasion y esaki tambe a resulta negativo.

Ta dicen esaki ta bay asina y di con tin mester di tanto di e testnan aki, mientras cu tur hende ta di opinion cu Gobierno tin cu bin dilanti y den su obligacion di ta transparente cu pueblo, splica tur hende cual t'e compania cu ta gana placa cu e testnan aki y unda e placa aki ta bay y pa kende e placa ta bay.

E negoshi di test aki no ta solamente riba buelonan di Corsou, pero tur hende for di Merca y Hulanda y awor tambe lo bira Canada tin cu ser sometí na un control cu e Covid-Test aki y cual ta costa \$75, pero ningun hende sa unda e placa aki ta bayendo y cual t'e compania cu ta ganando hopi placa den e negoshi rendabel aki.

ATA algun siman atras a anuncia cu den un luna di tempo mas cu 30 mil turista a bin for di Merca y si usa e cifra aki cu no t'esun oficial, cual por ta mucho mas haltu, tin cu señala cu 30 mil turista haciendo tur un Covid-Test di \$75, esaki ta trece den caha e suma impactante di no menos cu 2.250.000 dolar pa un solo luna.

Pueblo tin derecho di haya sa kico ta haci cu e placa aki, na kico e ta bay, den caha di Gobierno of den caha di un comerciante, pero simplemente ta cifra miyonario cu ta wordo papia di dje y pueblo tin derecho di haya claridad den e asunto aki for di Gabinete Wever Croes II.

Gabinete Wever Croes mester cumpli tambe cu reduccion di persona

BVP tin cu wordo ehecuta, pero Gobierno a prolonga tur contract di coordinadornan

Beleidsplan Verlaging Personeelslasten (BVP) ta un di e otro puntonan di con CFT a avisa Consejo di Minister di Reino pa no otorga Gobierno di Aruba, e siguiente fase di e ayudo financiero na final di luna di september ultimo.

BVP di haber cu reduccion di gasto halto di personal cual Gabinete Wever Croes I no a cumpli cu esaki y den e raportahe di dia 31 di augustus ultimo, CAFT ta muestra lo siguiente:

“ Personeelslasten: In zijn advies bij de eerste UitvoerigsRapportage merkte het CAft op dat het daarin opgenomen overzicht met betrekking tot het BVP onvoldoende inzichtelijk is.

Het overzicht bevat de realisatiecijfers op kwartaalbasis en deze cijfers worden niet afgezet tegen de beoogde besparing.

Het CAft kan hierdoor niet beoordelen of de doelstellingen van het BVP worden gehaald en wat deze zouden moeten opleveren aan (jaarlijkse) besparing op de personeelslasten. Bovendien is het niet duidelijk hoe wordt gestuurd op de maatregelen.

Het CAft heeft de nodige bedenkingen bij de effectiviteit van de uitvoering van het BVP en adviseert u opnieuw in de volgende UR de maatregelen uit het BVP op jaarbasis te kwantificeren en te relateren aan de (meerjaren)begroting.”

Pues den e ultimo parti CAFT ta muestra cu e ta sospecha cosnan cu Gabinete Wever Croes lo ta manipulando cu informacionnan relaciona cu reduccion di gasto di personal y a exige di Gobierno pa den e proximo raport, stipula claramente con e proceso aki ta canando.

Esaki lo ta sin duda un tarea dificil pa Gabinete Wever Croes cu apenas a huramenta algun siman atras, no p'e hecho cu Gobierno a caba di sinta y tin cu prepara su plan di gobernacion, pero CAFT ta haya cu ta di tres ocasion caba cu Gabinete Wever Croes no ta sincero den su dunamento di informacion.

CONTRACTNAN

Fuera di no ta sincero den su stipulacion di reduccion di gasto di personal, tur cos ta muestra cu CAFT na mes momento ta realizando cu Gabinete Wever Croes II a bolbe renoba contract di tur hende trahando cu e gabinete den edificio di Cocolishi, mientras cu algun a bin acerca tambe.

Fuera di esaki tin otro conseheronan tambe cu a drenta servicio di Gobierno pa cierto periodo como coordinador, pero en realidad e total di gasto di personal no ta bahando y CAFT kier mira un cambio den esaki, caminda si ta posibel e punto aki tin cu wordo aclaria prome cu fin di e luna aki p'asina mira si Hulanda lo duna Aruba e ayudo financiero cu e mester a haya siman pasa na final di september.

No solamente ImSan pero na hospital tambe

Ehecucion di reduccion cuida medico ta forsa pashent bay huisdokter prome

No por cana kibra mas na ImSan of Eerste Hulp na Dr. Horacio E. Oduber Hospital pa ayudo medico, ya cu si e situacion wordo constata cu e no ta algo sumamente di gravedad, e pashent lo wordo manda su cas bek y avisa p'e bay atende cu su dokter di cas e dia siguiente.

AWEMainta a publica ayera e informacion di varios keho cu a drenta na mesa di redaccion di hendenan cu ta bay ImSan a wordo atendi pa un of otro problema di salud, pero aki e oficialnan di e centro ta bisa nan pa bay cerca nan dokter di cas prome pa mira kico e ta bisa.

Sinembargo ayera AWEMainta a wordo informa for di algun ciudadano cu no ta na ImSan so e trato aki ta wordi brinda, pero mesun cos na Eerste Hulp di Dr. Horacio E. Oduber Hospital, caminda aki tambe pashentnan cu acudi eynan pa ricibi asistencia medico, ta wordo manda bek pa nan dokter di cas.

Tur cos ta muestra cu esaki t'e maneho nobo cu Gobierno di Aruba tin cu ehecuta caminda entre otro den e esfuerso pa reduci e gastonan halto di cuida medico, e servicionan na tanto ImSan como Eerste Hulp HOH, tin cu wordo adapta y hendenan cu no ta seriamente malo, lo wordo manda bek nan cas p'asina nan bay acudi cerca nan dokter di cas e dia siguiente.

Pues no ta cuestion cu sea ImSan of na hospital e oficialnan ta nengando di trata pashentnan, pero e maneho aki t'e "normal nobo" di Gabinete Wever Croes II, kende a bay di acuerdo cu Gobierno Hulandes, pa un reduccion di 60 miyon pa aña.

Aki ta bon pa menciona cu den e proceso aki tambe, pashentnan lo tin cu bay paga pa transporte den ambulance dentro di poco, ya cu esey tambe ta forma parti di e paquete di reduccion di gasto den cuida medico.



Ainda Gabinete Wever Croes no a anuncia otro medidanan cu tambe tin cu wordo implementa dentro di algun dia, entre nan e lista positivo di remedi cu lo wordo reduci na un minimo caminda lo crea mas problema pa miles di hende den comunidad, cu ta sufri di un of otro situacion medico cronico.

E reduccion di subsidio di remedi ya a wordo introduci na luna di maart di e aña aki, pero e lider di MEP, kende tabata Prome Minister demisionario, a realiza cu partido MEP y su persona lo sufri hopi daño si sugi pusha e lista positivo nobo pa pashentnan haya nan remedi.

Pues ta spera cu e decision aki riba e lista positivo lo por cay e siman aki mes of e lo por tuma lugar sin cu Gabinete Wever Croes lo haci esaki publico, pues ehecuta su introduccion sin publicidad algun.

CFT y Gobierno di Reino ta insisti pa Gabinete Wever Croes, realiza e reduccion palabra di 60 miyon florin pa aña y a nenga e argumento di Minister di Salud, Dangui Oduber, cu e aña aki Gobierno di Aruba a logra solamente un reduccion di 31 miyon florin.

Den forma bon cla CFT a muestra RMR cu esaki ta inaceptabel y a haya sosten di RMR pa nenga di pasa e di 4 tranche di ayudo financiero te cu fin di e luna actual. Pues alerta pa tur hende, medida den cuida medico ta na caminda pa wordo ehecuta!

Reflexion riba Dia Internacional di Educadornan

Awe nos ta celebra e dedicacion y balor excepcional di tur educador na mundo, pero particularmente esnan di Aruba. Fraccion di MAS kier felicita tur educador riba nan dia.

Aquanette Gunn, Parlamentario di MAS kier para keto un rato y reflexiona riba e mas cu un aña y mey cu Aruba a keda confronta cu e pandemia di Covid-19.

E pandemia aki a trece hopi conmocion den e mundo di enseñansa. Sin ta dispone di e conocimiento- y habilidadnan necesario e educadornan a haya nan mes confronta cu e situacion pa brinda enseñansa uzando medionan digital. E situacion aki a trece hopi presion pa e educador- y e alumnonan.

Debi n'e situacion financiero, hopi alumno no tabatin ni tin internet na cas, mucho menos tabata dispone di un 'device' pa por a ricibi les via e plataforma digital. E educador tabata sinti'e impotente, paso apesar cu enseñansa ta nifica cu niun mucha mester keda laga atras ('no child left behind') no tabatin otro alternativa. Banda di e presion di traspasa e conocimiento via medionan digital, e educadornan a haya nan confronta cu un aumento substancial di e grito di ayudo di nan alumnonan relaciona cu e problemanan social-emocional.

Ta proba cu un alumno cu ta den desbalansa social-emocional no por presta pa loke t'e aspecto intelectual.

Na momento cu e alumnonan por a reinicia e lesnan den forma fisico, tabata notabel cu tin un laguna enorme bou di e alumnonan pa loke t'e dominio di e lesnan. Banda di esaki scolnan a manda un cantidad substancial di alumnonan pa instancianan externo pa nan por haya ayudo necesario pa nan problemanan social-emocional.

Pa dos aña escolar consecutivo no a keda otro alternativa di tuma decisionnan pa ahusta e normativanan di progreso. Dicho decisionnan tin of por tin consecuencia pa e alumno su futuro siñamento na scol.

Manera Aquanette Gunn a menciona anteriormente e mundo di enseñansa tambe a keda impacta grandemente door di e pandemia y a yega momento pa conhuntamente nos traha na e recuperacion di esaki.

E exito y e recuperacion di enseñansa ta depende di un inversion substancial den e bienestar, formacion, desaroyo profesional y e condicionnan laboral di e educadornan. Solamente di e forma aki nos por recupera tur e perdida den siñamento y ehecuta e transformacionnan den enseñansa y e siñamento imponi door di e Covid-19.

Parlamentario Aquanette Gunn ta subraya cu a yega momento pa nos gobernantenan, pueblo, pero muy en particular nos Minister di Enseñansa, sr. J.H. Croes reconece e papel indispensable cu e educadornan ta desempeña.



Ta crucial pa empodera nan mediante di formacion, e cuido pa educadornan, e apoyo y e condicionnan di trabou cu nan tin mester pa asina nan uza nan maximo potencial. E recuperacion den educacion por bira un realidad unicamente si e proceso tuma luga na un forma honesto, transparente, cu participacion y colaboracion di e educadornan.

PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

Minister Ursell Arends di bishita na Cunucu di Chabelito



Dia 4 di october mundo a celebra ta Dia Internacional di Bestia. Departamento di Agricultura, Cria y Pesca, Santa Rosa tabatin e grato placer di ricibi bishita di sr. Ursell Arends, Minister encarga cu e cartera nan di Integridad, Naturalesa, Transporte y Cuido di nos Grandinan di cual Sector Primario ta resorta bou di su maneho.

Durante su bishita, e mandatario a ricibi un recorrido dor di e conocido "Cunucu Di Chabelito", caminda cu e por a aprecia e diferente "mascotanan di Santa Rosa" cu tin presente y a ricibi informacion di e proposito di e kinderboerderij y informacion di cada uno di e bestia nan.

E Minister a wordo ricibi dor di sra. Nathalie Maduro, Director p'e Departamento conhuntamente cu e demas coleganan di gerencia. Sra. Maduro n'e mesun momento a splica referente e parti nobo di e kinderboerderij, cual t'e "Hofi di Chabelito", den cual tin tur sorto di mata di fruta como tambe local.

E meta di henter e seccion aki, ta pa stimula nos mucha nan riba e importancia cu e Sector di Criansa tin pa Aruba su Sector Primario y con nan mester wordo cuida. Di e forma aki Minister Ursell Arends por a conoce e seccion aki, ricibi mas informacion referente e tipo di bestia cu nos tin den e "Cunucu Chabelito" y combensa un rato cu e team di Santa Rosa cu tabata presente, riba su vision y deseo nan pa cu e sector importante aki. Varios informacion y intercambio di idea pa un mihor bienestar di nos departamento a tumalugar entre e mandatorio y e Director, kende a combensa tambe di nos Sector Primario en general aki na Aruba y su beneficio pa cu nos seguridad di cuminda.

Despues di e recorrido den "Cunucu & Hofi di Chabelito", Minister Arends a disfruta di un dushi juice di Tamarijn fresco traha aki na Santa Rosa y for di e matanan di Santa Rosa mes.

Na number di nos Departamento di Agricultura, Cria y Pesca, conoci como Santa Rosa, nos ta gradici Minister Ursell Arends pa su bishita y deseando su persona, hopi exito den su funcion nobo na bienestar di nos Sector Primario y nos seguridad di cuminda.



PRIVATE SWIMMING INSTRUCTOR NEEDED



**Preferably female instructor.
Private lessons at the residence
at least once or twice a week.**

**Please call 583-1400
for further information.**

Alvin Molina, Parlamentario di partido MEP

Ban corda riba e meta comun: E bienestar di nos pais!



Diahuebs mainta a tuma lugar e prome 'Openbare Bijeenkomst' di Parlamento di Aruba.

Aunke cu e punto di agenda tabata e proceso di formacion, reparticion di cartera y screening pa Gabinete Wever-Croes II loke mas a resalta, den mi opinion t'e manera con nos ta hiba politica na Aruba, segun Alvin Molina miembro nobo di fraccion di MEP.

Como Parlamentario nos mester ta critico pa cu nos mes como Parlamentario pero tambe critico pa cu e mandatarionan, riba nan maneho, pero tambe riba comportacion.

Si nos por trece e parti critico aki na un manera constructivo, cu por yuda mehora e maneho y comportacion aki, sigur nos lo dal un paso mas pa dilanti pa un Gobierno mas efectivo y asina un mihor pais.

Duna critica no ta solamente nos derecho como representante y sirbido di pueblo, e ta hasta nos deber pa tene nos mandatarionan skerpi, eherciendo e mihor maneho posibel.



Politica semper lo hunga un rol na Aruba, e ta parti di ta bendiciona cu un Gobierno democratico, na unda diferente partido ta lucha pa nan ideologia prevalece.

Pero den esaki ban corda si cu nos ta comparti minimo un meta comun, cu ta un mihor Aruba pa nos tur. Ban bira mas constructive, te apelacion Alvin Molina.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOKA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements RESTAURANT

LOCATED AT BUCUTI & TARA BEACH RESORT
RESERVATIONS REQUIRED

elementsaruba.com | +297 592 5868
ADULTS ONLY | CASHLESS | NO SMOKING | NO GROUPS

\$24.50
SERVICE CHARGE INCLUDED

Clientenan di Invest Secure a celebra hunto 25 aniversario

Recientemente Invest Secure a celebra cu su clientenan e hecho di nan 25 Aniversario. Tambe esnan cu a forma parti di e proceso administrativo, operacional, tecnologico a wordu invita pa celebra nan contribucion p'e servicio n'e nivel desea.

E anochi a cuminsa cu un repaso di historia cortico na comienso dunando training via Overhead Projector pa despues bay over na computer cu powerpoint. Awe tur departameento tin su computer y ta comunica via nos network tanto interno como externo.

Despues por a mira e diferente productonan di alarma y por a disfruta di e sistema sophistica di camara a wordo presenta. Tambe algun producto nobo a wordo presenta y rifa y nos clientenan por a tende di algun oferta special cu por a probecha di dje na un prijs reduci.

Despues por a disfruta di un "slideshow", cu por a mira parti di e historia di e compania for di 1996 te cu awor cu e diferente cambionan cu a tuma lugar. Tabata un anochi hopi ameno unda por a network y relaha asina por a gradici tur nos clientenan personalmente pa a sostene nos durante e trayectoria.

Aprecio special cu entrega di un "award" a bay tambe p'e clientenan cu mas di 20 aña cu a pone nan confiansa den nos servicio. Nos vision tambe a wordo presenta cu tabata determinante pa por a duna nos satisfaccion na tur nos clientenan pa tempo largo.

Tambe nos ex-empleadonan cu tabata presente a ricibi un regalito y un palabra di bon trabou pa pone e fundeshi cu nan dedicacion y esfuerso.

Na final tur esnan cu tabata presente por a disfruta di algun snacks y por a muha garganta den combersacion ameno .

Un gradicimento tambe di curason p'e comunidad di Aruba en general y tur esnan cu a yega di hasi uzo di servicio di Invest Secure durante e momentonan cu tabatin e necesidad di e proteccion necesario cu nos por a asisti nan den nan reto y desafionan.


Danki na Dios cu a duna Invest Secure y staff e forza necesario pa sobrebibi den e añanan y pa por sigui mantene nos comunidad liber di crimen.



Accidente entre dos bromer a laga un motociclista seriamente herida atras



Diadomingo atardi den careda di 5:50 informacion a drenta cu tin un accidente serio na altura di Hospital. Na yegada di Polis nan ta topa cu e accidente riba e cruzada cu ta bay Hospital. Tabata trata di 2 bromer. Un di e motociclistanan tabata na suela y tabata sangra.



Tabata trata di 2 bromer Suzuki, cu pa un of otro motibo a accidenta y uno a resulta seriamente herida na cabes y rudia. Varios patruya a presenta n'e sitio pa yuda, pero no tabatin mucho cos pa a wordohaci. Paramediconan n'e sitio mesora a drenta den accion pa stabilisa e motociclista herida.



Polisnan di Departamento di Trafico a yega pa tuma dato di locual a sosode. Mester remarca cu e otro motociclista tabata involvi algun tempo atras den un accidente di bromer na Jucuri, unda cu el a dal un cacho lagando e herida.



Cambio procedura Attestatie de Vita

Entrante promé di novèmber 2021 un cambio di importansia ta drenta na vigor pa personanan cu ta ricibí Penshun di Behes (Algemeen Ouderdomsverzekering, AOV) y cu ta biba na Boneiru, Saba, Sint Eustatius, Aruba, Còrsou y Sint Maarten. Entrante di e momento ey nan no mester haci entrega dos biaha pa aña mas di un Attestate de Vita (AdV) n'e instancianan cu ta paga nan AOV.

Un condicion ta si cu nan ta bibá na un di e islanan menshoná y cu nan ta ricibí AOV for di un (òf mas) di e islanan aki. E organisacionnan riba e seis islanan cu ta paga AOV, desde awor lo bay haci uso di dato di e registranon civil local. Esaki ta aliviá e penshonadonan di e islanan di èx Antias Hulandes y cu nan no mester entregá un AdV dos biaha pa aña mas. Si ta di sumo importancia pa nan percura pa nan datonan na Registro Civil di e isla caminda nan ta biba, ta registrá por completo y corecto.

Ta trata principalmente di nan adrès y estado civil

Penshonadonan bibá na Hulanda Europeo y cu ta ricibí AOV di (un di e) islanan, si mester sigui entregá nan AdV dos biaha pa aña n'e instancia cu ta paga nan AOV durante di e periodonan di custumber.

Penshonadonan cu ta biba riba un di e seis islanan, pero cu ta ricibí AOV (parcial)

for di Hulanda Europeo tambe mester keda entregá nan AdV manera ta costumbrá n'e instansia na Hulanda Europeo.

Pa pregunta tocante e procedura nobo riba e seis islanan por tuma contacto cu e instancianan conserní.

Na Hulanda Caribense por tuma kontakto cu unidad SZW di RCN via e adrès di email pensioen@rijksdienstCN.com.

Na Bonaire por yama +599 715 8888,

na Sint Eustatius por yama +599 318 3376 i na Saba e number di telefòn ta +599 416 3804.

Na Còrsou por tuma contacto cu SVB Curaçao via e adrès di email pensioen@svbcur.org òf via di e number di telefòn +5999 434 4000.

Na Aruba por tuma contacto cu SVB Aruba via e adrès di email info@svbaruba.org òf via di e number di telefòn +297 527 2700.

Na Sint Maarten por tuma contacto cu SZV Sint Maarten via e adrès di email info@szv.sx òf via di e number di telefòn +1721 546 678.



COMITE OLIMPICO ARUBANO

ta recorda

JULIO ROSARIO GREGORIO KOCK

Cu gran tristesa nos a ricibi noticia di fayecimento di

Sr. Julio Kock, propietario di Graphitek Printing y amigo di Comité Olimpico Arubano pa hopi aña y den varios capacidad.

Julio tabata miembro activo di e Comision Anti-Doping di COA.

Den number di Directiva, Staff y personal, Comisionnan, Federacionnan Deportivo y e Famia Olimpico Arubano completo, nos ta extende nos mas sincero palabranan di condolencia na esposa Janette Kock-Chang, nan yiunan stima Deryl y Clinton, demas famia, amigo y conocirnan di e fayecido y ta desea tur hopi forza den e momentonan difícil aki.

Cu Julio por sosega na paz.

Directiva di COA



No words can take away the pain of such a loss, but we do hope the knowledge that there are people who care and love you may ease it.

Our Deepest condolences
With deep sympathy the Wesley Men's Group and the MCCA Men Aruba circuit announce the passing of our Member Bro.

Herbert Horne

May his soul rest in peace.

John 14:27

I am leaving you with a gift—peace of mind and heart. And the peace I give is a gift the world cannot give. So don't be troubled or afraid



Señor ta mi wardador.
E ta guia mi den caminda
drechi, fiel na su nomber.

Cu hopi tristesa, pero conforme
cu Dios su voluntad nos ta
anuncia fayecimento di

Marcelo Gomez

mihor conosi como "Cheche"

*** 19-02-1923 - † 29-09-2021**

Esposo di † Lidwina (Chichi) Gomez

Na nomber di su:

Yiunan stima: † Lucia y Wim Fingal

† Irma Gomez

Greta y Modge Gomez

Hendrik Gomez

Norwin y Aurita Gomez

Rosendo y Amalia Gomez

Sylvia y Roberto Fingal

† Freddy Gomez

Frenk y Wendy Gomez

Hubert y Maria Gomez

Swinda y Leo Tromp

Nietonan y bisanietonan,
tataranietonan y -nietanan,
sobrino y sobrinanan, primo y
primanan y demas famia Gomez,
Fingal, Tromp, Luydens, Albertsz,
Dorothal, Webb, Giel, Kelly,
Hidalgo, Wever, Hill, Eckmeyer,
Jacobs, Klepper, Zievinger, Orman,
DeLange, Buntin, Pers, Kemp,
Loefstop, Figaroa.

Su cuñanan: Ursula (Chiel) Giel

Emilia (Mia) Kelly

Faustina (Tina) Tromp

Ex-coleganan di Lago, Camarada,
Amigonan di domino y Bubali
Sport Club, Grupo Magdalena di
Ayo, Concord Hotel

Amigonan cerca: Juancito, Vale de
Kort, Mando, Dodo Farro, Fechi
v/d Biezen. Su ayudante stima y
bisanieto Gustaaf Buntin

Amiganan: Stella y Milca

**Nos ta invita tur famia y
conocirnan pa asisti na anochi di
condolencia cual lo tuma lugar
na Aurora Funeral Home Dia
di oktober 2021 di 7or - 9or pm**

**Alavez nos ta invitá pa asisti na
e acto di entierro cual lo tuma
lugar na Aurora Funeral Home**

**Dia di oktober 2021 di 2or
- 4or pm, despues pa santana
catholico na Noord.**

**Nos disculpa si den nos tristesa
nos por a lubida un of otro famia.**

Aurora

Royal Pray

Funeral Home & Crematory



"Señor ta mi wardador,
mi n'tin falta di nada;
Den cunucu di yerba berde,
E ta ponemi sosega.
E ta hibami na awa tranquil,
pa mi bolbe hanja forsa.
Salmo 23:1,2,3.

Cu tristeza pero conforme cu boluntad di Dios
nos ta participa fayecimento cristianamente di:

Augustina Otilia Croes

Mihor conoci como "Tila"

***28-08-1934 - †29 -09-2021**

"Menswaardig leven en een zalig
uitgang" Tila

Na nomber di:

Su RumanNinita y Rufo Thiel

Su cuñanan Jos Croes-Janse Vera Croes-
Loopstok Rosita Croes-Madari Dity Croes-
de Jongh y Boy Ecur Sobrino y sobrinanan;

Suzy Thiel y yiunan Yzra & Derick

Walter (Ito) y Arlene Thiel y yiunan Etienne
& Elrick Gina Thiel Junny y Charlotte
Thiel y yiunan Zane & Dave Errien y
Marisol Croes y yiunan Nariën, Lyon &
Celine Bonny Croes

Monique y Luis Cervantes y yuinan Amy,
Noa & Isabella Edric y Jetty Croes y yuinan
Theo & Pieter Glenn y Ana Croes y Gian &
Aliyah Giovanni y Jennifer Croes y yiunan
Aide & Olivia Ramsis Croes y Julia Borgdorf
y yui Jakob Nadine y Israel Posner y yuinan
Felipe, Liam & Sarah Pieter y Stephanie
Nesty y yiunan Lauren & Carmen

Tur su primo y primanan Famia Petronia

Bisiñanan, amistadnan y conocirnan

Famianan Croes, de Mey, Thiel, Janse,
Loopstok, Madari, de Jongh, Cervantes, Posner

**Ta invita pa asisti na acto di
Entierro cu lo tuma lugar diamars
dia 5 di oktober 2021 desde 9'or
di mainta pa 11'or di mainta na
Aurora Funeral Home y despues
saliendo pa santana Catolico na
Paradera.**

**Nos disculpa si en caso nos por a
lubida un of mas persona den nos
tristesa.**

**Despues di entierro lo no ricibi
bishita di condolencia na cas.**

**Enbez di manda flor of krans
lo tin un box disponibel pa
un donashon na st. Michael
Paviljoen.**



Ma nos tur cu cara sin
velo, mirando manera den
un spiel e gloria di Señor,
ta wordo transforma den
e mesun imagen di gloria
pa gloria manera door di
e espirito di Señor.
Corinte 2 3:18

**Cu hopi dolor na nos curason, pero
agradecido na nos Señor, nos kier
a participa cu despues di un lucha
cortico di enfermedad a fayece nos
ruman, sua y omo stima:**


Sr. Franklin R. Geerman

cariñosamente yama

"Frank"

***16-09-1952 - †03-10-2021**

**Acto di despedida lo wordo
anuncia despues**




Lagrima y flornan por seca,
su recuerdonan y tur loke el a
haci y significa pa nos, cu lo
keda graba pa semper den nos
mente y curason.
"Cerca Dios mi alma ta na paz,
ta di DJ'E mi salvacion ta bin"
Salmo 62:1

Cu inmenso dolor na nos curason,
nos ta participa fayecimento di nos ser
stima:

**Sr. José A. Jacobs
Cariñosamente yama "Dolfi"
of "Mo Do"**

***01-05-1956 - †16-09-2021**

**Acto di entierro lo wordo anuncia
despues**



"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23


Nos ta anuncia fayecimento di:

Catharina Bernadetta

Dijkhoff

***13-02-1942 - †01-10-2021**

**Acto di entierro lo wordo anuncia
despues.**



Laga tur loke ta spera mi
ta bunita Laga tur locual cu mi
encontra na caminda ta bunita
Laga tur locual cu mi laga atras
keda bunita y Laga esakinan
termina den tur bunita.
Cado Wever.

Sra. Felepina Tromp-Arends
Mihor conoci como "Pina"
***24-12-1935 - †23-09-2021**

Na number di su querido esposo: †Pedro
Adrian Tromp
Yuinan: Robert "Frank" Tromp y
Yamileth Borges

Mirto Tromp y Karina Tromp
Nelson Tromp na Hulanda
Leo Tromp na Hulanda

Mescos cu Yui: Esmayra "Maya" Lewis
Arends

Nietonan: Mirto Jr. Tromp
Lyxienne Tromp y Jay van

Asperen na Hulanda

Rumanan: †Augustin "Bubu" y
Ceferina Arends-Kock y famia
†Francisco "Frans" Arends
Teodora "Dora" y Marco

Werleman

Maximina "Mina" Arends y

famia

Pedro y Betty Arends-

Winterdaal y famia na Hulanda

†Luciano "Sha" y Helena

Arends-Paesch

Swa y Cuñanan: †Victoriano "Bito"
Tromp y †Marianita Tromp-Semeleer
Nemencia Tromp
Dominica "Ica"

Figroa-Tromp y †Juan Figroa

Simona "Mona"

Sapuana-Tromp y Jossy Sapuana

Marco Tromp

Sobrino(a)nan:

Glenda, Edilia, Milda,
Hubert, Esmayra,
Vivian, Gregory y nan
querida famia.

Conocirnan di cas:

Dora y Sigfredo
Lozano
Lilian Winterdaal
Rolando Geerman

Prima y primonan, ihanan, comer y

compernan, tur
su bon bisinjanan
y demas famia
y amigonan y
conocirnan.

Demas famia: Arends, Tromp,

Borges, Lewis,
Lewis, Lacle, Kelly,
Erasmus, Kock,
Paskel, Werleman,
Winterdaal, Paesch,
v/d Linden, Croes,
Henriquez,
Carrasquero,
Maduro, Fingal,
Wolff, Figroa,
Semeleer, Sapuana,
Chrisiaans, van
Asperen.

Nos ta pidi nos disculpa si den momento
di nos tristeza nos por a lubidacualkier
famia of conoer.


Ta invita pa e acto di entierro cu lo tuma
lugar diaranzon 6 oktober 2021 di 9'or pa
11'or di mainta na Aurora Funeral Home,
despues lo sali pa santana catolico de
Vries na Sta Cruz.

Nos ta lamenta cu despues di entierro nos
no ta ricibi bishita di condolencia na cas.

Aurora

Royal Pray

Funeral Home & Crematory



"Bou di alanan di Dios mi ta
sigur"
Abo ku ta biba bou di amparo di
Altisimo, ta hospedá den sombra di
Dios Omnipotente, bisa Señor:
"Mi refugio, mi forti, mi Dios, den
kende mi ta
pone mi konfiansa"
Salmo 91:1-2

**Cu dolor na nos curason nos ta par-
ticipa fayecimento inespera di nos ser
stima:**

Sr Irenaeo B. Geerman

**Cariñosamente yama "Ireno, Reno of
Opa"**

***28-06-1941 - †28-09-2021**

Na number di su:

Esposa: Essi Geerman-Falconi

Yiunan di criansa stima: Rosan & Bert
Siebers-Kelly y yiunan na Hulanda

Rodney Kelly y yiunan na Hulanda Judella
Kelly y yiunan Henry Kelly y famia Loreen
Trimon-Kelly y famia Gene Kelly y famia

Nieta y nietonan stima: Naomi Limonier-
Tromp y famia Joshua Tromp y famia Isabel
Siebers Carmen Siebers y Angelo Vlastuin

Arthur Siebers **Su preti wowo:** Naömar
Limonier **Rumannan:** Chichita Lacle-Geer-
man y famia Toy Geerman y famia Cuñanan:


Lika Falconi-Meerwijk y famia Anna Wever-
Geerman y famia **Sobrino y sobrinonan**

stima cu a mustre hopi atencion:

Henry y Rita Trimon-Solognier y famia Layda
y Gilbert Tromp-Dijkhoff y famia Nanachi
Hernandez-Geerman y famia Lis Figroa-
Geerman y famia **Mascota stima:** Punky **Bisi-
ñanan stima:** Gos Oduber y famia Norman
Tujeehut y famia Igidio y Jeanette y famia Ro-
land y Renata Williams y famia **Amiga di cas**
y comer: Annie Velasquez Carla Kelly y famia

**Ta invita pa acto di condolencia y
entierro cual lo tuma lugar na Aurora
Funeral Home diaranson 6 di oktober
2021 di 2'or pa 4'or di atardi. Depues
nos lo sali pa Santana Central Sabana
Basora.**

Disculpa nos si den nos tristesa nos por
a lubida algun famia of conoer.



My soul finds rest in God
alone;
My salvation comes from him.
He is my rock and salvation;
He is my fortress, I will never
be shaken
Psalm 62:1-2

Cu dolor na nos curason, nos ta participa
fayecimento di nos ser stima:

Julio Rosario Gregorio Kock
Fecha Nacimiento 6 April 1949
Fayece 29 September 2021

Mayornan: †Marcial Kock

†Ana Rosalia Kock

Na number di su:

Esposa: Janette Kock-Chang

Yiunan: Deryl Kock

Clinton Kock y Adriana Rumannan:

Benny Kock †Rosa Kock

†Lucia "Chichi" Kock

†Filomena Kock

Miriam "Mia" y Siro La Rosa-Kock

Mayra Kock

†Hubert "Jubi" y Roos Kock-Lacle

Cuñanan: †Betty Chang y yuinan

Josephine y Fred van Ammers y yuinan

Swa nan: †Carol Chang, Farida y yuinan

Olando Chang y yuinan

Alexander Chang y yuinan

Iha nan: Tunky Helder y Rayza Ashby

Sobrinonan: Gregory Angela y yuinan

Omar Kock y Daisy Kock y yuinan

Rudmayra Kock y +Gilbert Geerman y

yuinan Nicole Kock y Chris v/d Linden

Jayant Kock y Joanne Kock-Ridderstap y

yuinan Jake Kock Yavin Kock

Primo y primanan, tanta y omonan,
bisiñanan, conocirnan di Resedestraat y
bario di Sanicolas

-Board Member "Aruba Boxing

Commission" - Inspector di Boxing

-Board Member di "Striders Athletics Club"

-Miembro di Lodge "The Middle Chamber"

Amigonan di cas:

Winston "Stanky" Ashby

Martha Winklaar

Amigonan di Koffiemoorgen na Bright

Bakery:

Ruben Abath, Rudy Koolman, Roger Liendo,

Max Hassel, Philip De Souza

Amigonan di koffiemoorgen na El Sol

Nascente.

Gradicimiento na Wilhelmina Kankerfonds
pa nan excelente ayudo y trabow

**Acto di entierro lo tuma lugar na
Aurora funeral Home diamars 5 di
oktober 2021 di 1'or pa 4'or di
atardi. Despues lo sali pa Santana
Masonico na Playa.**

**Nos disculpa si den nos tristesa nos
por a lubida cualkier famia o conoer.**

****Despues di entierro no lo por ricibi
bishita di condolencia na cas**

CORSOU**Aksidente di tráfiko ku herido**

WILLEMSTAD - Djaluna 4 di òktober 2021 alrededor di 13.31or, Sentral di Polis a haña informashon di un aksidente di tráfiko ku a tuma lugá riba Kaminda Rignald Recordino. E unidat ku a yega n'e sitio a topa ku dos vehíkulo ku a aksidentá.

For di investigashon ku Polis a hasi n'e sitio a resultá ku un di e vehíkulonanan a bai pasa e vehíkulo ku tabata kore su dilanti i a topa ku un vehíkulo ku tabata bin for di direkshon kontrali i a dal den esaki. Debi n'e impakto, un di e vehíkulonanan a bòlter.

Ku yudansa di brantwer a saka 3 di e víkteman nan ku tabata pegá den nan vehíkulo. E okupantenan a risibí leshonnan na diferente parti di nan kurpa.

Ku ambulans a transportá kuater víktima pa departamentu di emergensia di C.M.C. pa mas tratamentu médiko. Departamentu di Tráfiko ta kontinuá ku e investigashon.

Preludio pa Hulanda tuma tarea di Salubridat?.....

Reakshon di Knops riba yudansa finansiero na CMC

WILLEMSTAD - Kualke analista politiko ku a gradua pe materianan ku ta kalifiké ku maske ta un voldoende por sinti a leguas ta den ki direkshon Sekretario di Estadó Raymond Knops ke bai ku su kontesta na miembronan di Parlamento Hulandes riba e gritu desespera ku for di Kòrsou a bai Parlamento Hulandes pa yuda salba CMC finansieramente.

Na Papiamentu ordinario, e karta ku Knops a saka ayera ta bisa klaramente "...limpia tur e junk ku tin na kos inesesario den CMC anto nos por papia kon por laga un instansia Hulandes enkargá ku maneho di no solamente CMC, pero di henter e sektor di Salubridat Publiko na Kòrsou....

I pa ser franko, kualke hende kende restu di su bida ta dependé dje kuido ku e por haña awór na CMC, lo graps e oferta aki ku ambos man ku brasa ku pia, pasobra tur loke tur sorto di eksperto di awa dushi a produci ku e hospital nobo CMC, no ta sirbi nos pueblo.

Un hospital ku no por duna servisio na ningun otro hende kasi ku si no ta pashènt ku Covid, ku a tuma e desishon insólito ku no ta operá klientenan di SVB ku t'e prinsipal finansista di CMC i ku tras di lomba di SVB i e propio Gobiernu aktual, a pidi Parlamentarionan Hulandes pa lobby pa nan reskatá CMC.

E Parlamentarionan a lobby serka Knops i ayera mainta Knops a manda su reakshon pa nan i pa Parlamento Hulandes.

Su reakshon tabata loke por a spera di loke un analista krioyo a yama "Das Zwerg, der gewachsen ist".

I den mesun rosea el a rekonfirmá e motibu dikon Hulanda no kelòse di sektor tranche di sosten finansiero na Kòrsou ta mientras nan no tin e situashon finansiero anarkista di CMC bou di kontròl.

Knops a splika su kompañeronan politiko den Tweede Kamer ku for di prinsipio di aña pasá (ku a birando dos aña kaba) islanan CAS ta hañando sosten finansiero pa kombati i kontrolá konsekuensia dje pandemia di Covid-19 riba nos islanan.

Hustamente dia 22 di juni ultimo Knops a informá Parlamento riba e desishon ku Konseho di Minister a tuma riba sosten finansiero pe terser kuartal dje añaki. E desishon tabata pa fasilitá Kòrsou un suma di 168 mion florin partí den dos parti.

Promé parti di ANG 72,5 mion a yega kaba te ku Gobiernu a gasta esaki, pero pa nan pasa e segundo tranche mas pronto posibel despues ku Kòrsou kaba di kumpli ku e kondishonnan, Konseho di Minister di Reino a outorisé pa evaluá si Kòrsou a kumpli ku e kondishonnan pa nan manda e plaka abou

Kòrsou á kumpli ku e promé kondishon di sana e schommelfonds di SVB i a tuma medida pe keda balansá e proksimo dos añanan. E otro kondishon tabata pa tuma medida pa pone un paro ne pèrdidanan na CMC. Kòrsou a kumpli ku e kondishon aki i Hulanda a pone e plaka disponibel.

Sekretario di Estado Raymond Knops a spesifiká ku Gobiernu Hulandes a reakshoná riba e petishon direkto ku CMC a hasi na Hulanda. Knops a bolbe splika ku pa Hulanda manda plaka di sosten, e mester haña un plan kon ta bai kontrolá gastunan na CMC.

Pa resolvé e situashon mester ehekutá un plan total di medida, pasobra no ta plaka so te problema.

Unbes ku tur hende ta di akuerdo riba esaki, Knops a ofresé pa Nederlandse Zorgautoriteit tuma esaki na su enkargo. O sea ku e hospital ta bin kai bo di esfera di maneho di Hulanda.

Si bai di akuerdo, Knops ta dispuesto lo duna ehekushon ne iniciativa aki via di Landspakket i asina ta logra tantu un maneho sano i finansiamentu pa CMC a largo plaso.

Sindikato S.T.S.K. a pidi reunion urgente ku Minister di Enseñansa

WILLEMSTAD - Sindikato S.T.S.K. su miembronan ta hopi disgustá i fada ku atrobe un vakashon eskolar ta yegando sin ku a regla e dianan di vakashon di e personal di sosten den edukashon formalmente.

For di aña 2012 Sindikato S.T.S.K. a bini ta vosifera i atende ku Gobiernunan di turno pa ku e dia di vakashon p'e personal di sosten.

Na aña 2016 porfin a yega na akuerdo konkreto ku Gobiernu i direktivanan di skolnan pa ku e dia nan di vakashon, aki a yega na un maneho i proposishon pa kambio den lei.

Esaki a bai e plataforma di CGOA pa ratifikashon i asina e por bira realidat pa e personal di sosten por kuminsa tuma fakansi conforme e sistema di vakashon di skol.

For di aña 2017 ku e maneho nobo a bai CGOA no a hasi algu i e dianan di fakansi no a formalisa.

Debí na hopi aserkamentu di nos miembronan i e disgustu ku tin bou di nos miembronan pa ku e situashon aki, Sindikato S.T.S.K. a manda un karta pa Minister di Enseñansa pidiendo un reunion ku karakter di urgensia p'asina nan por palabra kon i den ki forma lo por regla esaki mas lihé posibel.

Ya asina lo pone un paro n'e inhustisia ku tin ta tumando lugar pa sigur mas ku 12 aña kaba. Gobernashon ta kontinuashon i mirando ku nos tin un Gobiernu ku su kurason ta bati pa su pueblo i ku ta goberná huntu ku pueblo i p'e pueblo e sindikato ta konvensí ku lo yega na pone un punto final n'e situashon aki.

Personal di sosten sigur lo no bai sinta warda hopi mas p'e dianan di vakashon aki wòrdu formalisa.

Masha ten no a mira e kos aki.....

Kandidato par ekselensia pa bira komisario den kompania di Kontrol di Trafiko Aereo

WILLEMSTAD - Hopi positivo por konsiderá e rekomendashon pa nombra señor D.O.A. Richardson komo komisario den direktiva di e kompania ku ta responsabel pa un trafiko aereo sigur den e region ku ta kai bou di responsabilidat di Kòrsou, DC-ANSP.

E uniko iregularidat ku tin den e asunto aki pero no ta falta di señor Richardson t'e hecho ku historial dje komisariado ta frankamente bruwá kaminda no tabatin rooster pa komisarionan baha i nombra komisario nobo.

Asina bruwá kosnan di gobiernu ta i no nesesariamente esun aktual pero di tur e gobiernunan di sigur ultimo dies aña.

Pa tin kontinuidat serio den un komisariado ku tin ku kontrolá kiko gerensia dje kompania ta hasi, mester tin un rooster kaminda tur aña 1 of 2 komisario ta baha pero ku un espasio di tempu di por lo menos 6 luna pa asina por tin transmishon di konosementu.

E desorganisashon ta kuminsa den despacho dje Minister responsabel pe kompania ku ta manda karta sin fecha pa SBTNO evaluá e candidato. E ministerio ku ta responsabel pa DC-ANSP mester tin un Sekretario General ku ta kontrolá e detayenan aki i ta algu ku Kontraloria General tin ku haña atenshon dje minister riba dje.

E Minister en kuestion a rekomendá pa nombra señor D.O.A. Richardson komo representante di Sint Maarten, pasobra e ta altamente kalifiká. E tin diploma di Master in Science riba tereno di aviashon i tin eksperensia práktiko ku kompanianan di aviashon i aeropuerto di Sint Maarten i hasta tabata kontroladó di trafiko aereo.

Riba tereno di maneho di kompania di gobiernu e tin eksperensia pa dirigi kompania komo eksperto.

Entre 1994 i 2009 e tabata traha den tore di kontrol aereo na Princess Juliana, e tabata consehero di Managing Director di Air Aruba, i a yuda den planifikashon di Windward Island Airway i pa kompletá su eksperensia el a traha na Nieuwe Post Nederlandse Antillen N.V., Postal Services St. Maarten N.V. te ku aktualmente e ta konsultent independiente.

Tabata di spera ku consehero di gobiernu den materia di evaluashon di personal gerensial mr. de Palm no tabatin algun opheshon pa rekomendé plenamente pa e puesto di komisario.

E Minister en kuestion a rekomendá pa nombra señor D.O.A. Richardson komo representante di Sint Maarten, pasobra e ta altamente kalifiká.

E tin diploma di Master in Science riba tereno di aviashon i tin eksperensia práktiko ku kompanianan di aviashon i aeropuerto di Sint Maarten i hasta tabata kontroladó di trafiko aereo.

Riba tereno di maneho di kompania di gobiernu e tin eksperensia pa dirigi kompania komo eksperto.

Entre 1994 i 2009 e tabata traha den tore di kontrol aereo na Princess Juliana, e tabata consehero di Managing Director di Air Aruba, i a yuda den planifikashon di Windward Island Airway i pa kompletá su eksperensia el a traha na Nieuwe Post Nederlandse Antillen N.V., Postal Services St. Maarten N.V. te ku aktualmente e ta konsultent independiente.

Tabata di spera ku consehero di gobiernu den materia di evaluashon di personal gerensial mr. de Palm no tabatin algun opheshon pa rekomendé plenamente pa e puesto di komisario.

E Minister en kuestion a rekomendá pa nombra señor D.O.A. Richardson komo representante di Sint Maarten, pasobra e ta altamente kalifiká.

E tin diploma di Master in Science riba tereno di aviashon i tin eksperensia práktiko ku kompanianan di aviashon i aeropuerto di Sint Maarten i hasta tabata kontroladó di trafiko aereo.

Riba tereno di maneho di kompania di gobiernu e tin eksperensia pa dirigi kompania komo eksperto.

Entre 1994 i 2009 e tabata traha den tore di kontrol aereo na Princess Juliana, e tabata consehero di Managing Director di Air Aruba, i a yuda den planifikashon di Windward Island Airway i pa kompletá su eksperensia el a traha na Nieuwe Post Nederlandse Antillen N.V., Postal Services St. Maarten N.V. te ku aktualmente e ta konsultent independiente.

Tabata di spera ku consehero di gobiernu den materia di evaluashon di personal gerensial mr. de Palm no tabatin algun opheshon pa rekomendé plenamente pa e puesto di komisario.

COVID-19: Russia hits record number of daily coronavirus deaths, cases continue to surge



Medical workers wearing a personal protective equipment PPE tend to a patient infected with the Covid-19 at the intensive care unit of the Mariinsky Hospital. - Copyright OLGA MALTSEVA / AFP

Russia has reported record highs in fatalities and new cases of COVID-19 for the fifth time in a week as the country reels from a fourth wave of the deadly virus.

The country, which has a vaccination rate of under 30%, reported 883 fatalities and 25,781 new cases over the past 24 hours.

Health workers have blamed the resurgence on the reluctance of young people to get the jab.

"Young people don't care that much about their health, because they think they are young, strong, and healthy.

So they don't get vaccinated," said Sergey Babikov, head of an intensive care unit in the southwestern region of Stavropol.

"I didn't get vaccinated. Like everyone, I was postponing it again and again.

And then it [catching the virus] happened in one second," a patient said.

Russia, with a population of 146 million people, currently has Europe's highest death toll from the pandemic, standing at 210,000 people.

@BBC




Star Trek actor William Shatner, who played Captain James T Kirk, to boldly go into space at the age of 90



@CNN International



The company that operates the pipeline responsible for the oil spill off the Southern California coast has been cited by federal regulators for over 100 violations over the past 11 years



@euronewsgreen



The major outage on Monday affected millions of users of the three social media platforms around the world.





AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL

BONERIANO®

EDITOR:
Bonaire Communication Services N.V.

Djaluna 4 òktober 2021 | Preis:\$1.00

Pa muchanan outista haña enseñansa spesialisáa
"TA UN LEI MESTER KAMBIA"

Luigino Molina ganadó Bonaire Awards 2021



Den fin di siman tabatin e entrega di Bonaire Awards 2012. E dos ganadónan mas grandi di e anochi a resultá Luigino Molina i tambe Semi Marten. Luigino a bai kas ku 4 premio, miéntras ku Semi a bai ku 3. Foto ta mustra Luigino.

Suseso
Inlubidabel ©
Bòl Antoin

**Lo bai
nota
presensia
di M21
den tur
skina**



CHANGAN AUTO



F70 4x4

f /dabboussimotors



HAIR BARBERSHOP
Hanchi lenks pabou di Gas Ekspress
Habrí 5 dia!
Tel: +599 788-2228 / +5999 529-2228
hair cut
www.hairbarbershop.com

2X Double Points Tuesday!
ALL DAY EVERY TUESDAY!
Earn Double Points on your Club Card
Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available
DIVI FLAMINGO CASINO

TCB ta yama bon biní na buelonan èkstra di KLM for di Amsterdam

KRALENDIJK – Despues di e anunsio di oumento di e kantidat di buelo for di Merka pa Boneiru, ku orguyo Tourism Corporation Bonaire (TCB) ta yama bon biní na un oumento di e kantidat di buelo for di Amsterdam pa Boneiru ku KLM.

Miles Mercera, CEO di TCB: “Ku anhelu nos ta wardando riba e temporada di wenter binidero i miéntras nos ta sigui traha riba

rekuperashon di nos industria di turismo, ku brasa habrí nos ta yama bon biní na e buelonan èkstra. No tin ningun motibu pa no bishitá Boneiru durante e wenter akí.”

Entre 15 di desèmber 2021 i 14 di yanüari 2020 KLM a plania 15 buelo èkstra for di Amsterdam pa Boneiru ku un avion B772.

E buelonan èkstra ta planiá komo lo siguiente: entre 15 di desèmber 2021

i 12 di yanüari 2022 tin un buelo èkstra riba djaluna i djárason. Riba djadumingu

26 di desèmber 2021 tin un buelo èkstra i entre 17 di desèmber 2021 i 14 di

yanüari 2022 tin un buelo èkstra planiá riba djabièrnè.



Rincon ta puntra:

“Ki dia doktora ta muda?”

KRALENDIJK – “Ta ki dia doktora ta muda?”, un Rinconero ta puntra. E ta referí ku den bario di Rincon habitantenan ta kuestioná si e práktika di dòkter di kas Castro lo muda di lokalidat. E edifisio nobo di e práktika di dòkter aki praktikamente ta kla pero no ta mira move-shon di un mudansa. Di

fuentenan digno di krédito nos a komprondé ku tin un opstákulo pa ku esaki.

Koriente i awa

BONERIANO a komprondé ku tur kos tabata planiá pa e práktika di dòkter aki muda riba 15 di òktober próksimo. Na e momentu aki tin un konekshon di konstrukshon temporal

di awa i elektrisidat na e edifisio nobo. I awor WEB ta splika ku mester hasi henter un aplikashon nobo pa koriente. “Naturalmente e prosedura aki lo tuma su tempu, pues no por muda riba e fecha planiá fo’i inisio”, segun nos fuente. Esaki ta pone ku no por stipulá konkretamente un otro fecha mirando ku tur kos ta den man di WEB.

A-higiéniko

Di nos fuentenan nos a komprondé ku e edifisio aktual ta den mal estado. Un situashon basta a-higiéniko ku por afektá salú di tantu pashèntnan komo trahadó. Na vários lugá den e edifisio por nota klaramente akumulashon di beskein i ta trata na remediá i skonde esaki pa bista di hende, pero sin masha éksito.

Reportero di BONERIANO a komprondé ku e edifisio ta pertenesé na Fundashon Mariadal ku ainda no ta hasi un mantenshon adekuá. “Mi sa ku doktora tin basta aña den pelea ku Mariadal pa e situashon aki.

Nan ta kobra un hür basta haltu di 2800 dòler pa luna pero no ta kumpli ku e mantenshon. Awor doktora

ta para duru i ta eksigí pa nan drecha e lugá”, segun nos fuente.

Por lo pronto no tin klaridat entrante ki fecha pashèntnan por akudí na e edifisio nobo. Pues lo sigui usa e edifisio den mal esta-

do na Kaya E.B. Sint Jago. E potrèntnan ta ilustrá e edifisio bieu i nobo di e práktika di dòkter di kas. Tambe muraya tur na beskein den e edifisio bieu ku falta bastante mantenshon.



Sifranan COVID-19 | Boneiru

03/10/21

Positivo	Aktivo	Negativo
+15	142	15920
Total: 2102	+14	
Di tèst	Fayesé	Den hospital na Boneiru: 2
40	19	
Total: 18022	+0	

Mas informashon:

Gobièrnu di Boneiru

www.bonairecrisis.com

0800 0800 (grátis)

Esaki ta un mensahe di Entidat Públiko Boneiru

Pachi's Place ketu bai será

Prostitushon ilegal ta floresé

KRALENDIJK – E situashon di prostitushon ilegal ta alarmante. Tin diferente forma ku e prostitushon ilegal ta tumando lugá na Boneiru. Kon ku mir'é, Pachi's Place ta legal, pero e kondishonnan na kua a mara e sentro di prostitushon pa habri, esaki ekonómikamente no ta faborabel pa tantu e damanan ku Pachi's Place mes tambe.

Aries Felix di Pachi's Place, den entrevista ku presentadó di e programa Aktualidat, Bòl Antoin, na

Bonaire.tv, a tuma su tempu pa splika kon prostitushon ilegal ta tumando lugá awor ku Pachi's Place ta será.

Felix: “Awor ku Pachi's Place ta será, prostitushon ta sigui. Ta lamentá pa bisa, pero mester wak e asina, solo a sali pa tur hende, tur hende mag biba. E hende ta hasi esei pasobra e mester pa kome. E ta un kadena masha largu. E ta sosodé entre nos mes hendenan. No ta eksistí niun hende muhé pa ta hasié pa amor, semper tin algun en kam-

bio. E ta tumando lugá na hopi sitio, den e bario popular Antriol ku ta e zona, pero tambe den otro barionan.”

Felix a splika no ta solamente e hendenan di Boneiru ta hasi esaki. E ta tuma lugá ku venezolanonan ku ta bibá na Kòrsou, Aruba i St. Maarten, meskos tambe nan ta bini for di Venezuela via Colombia i Panama. Nan ta drenta komo turista. E kolombiana tambe ta drenta.

KMar mester hasi e trabou, lamentablemente dia nos a bende Boneiru barata, nos a riska duna KMar e derecho ken si i ken no ta drenta. Nan ta hasi fèrfelu ku tur otro hende, ku eksepsion di nan paisanonan i tur kos ta pasa dentro di nan paisanonan tambe, segun Felix.

E tempunan aya, Felix a sigui bisa, un muhé ku bin traha na Aruba, Kòrsou i aki na Boneiru, no por a drenta Boneiru

komo turista despues ku el a traha na Pachi's Place. Na Kòrsou un dama ku traha na Blachi Bèrdè, no por drenta Kòrsou komo turista pa sinku aña. Aki tur hende ta drenta, kontal ku e por mustra ku tin tin sèn pa keda.

Biniendo bèk riba e damanan ku mester bin duna servisio di Pachi's Place. Felix a bisa nan ta kla pa bini, pero ora bisa nan e kondishon nobo, nan ta rechasá i no ta rendabel pa nan.

Lo bai nota presensia di M21 den tur skina

KRALENDIJK – Djabièrnè 1 di Òktober último den presensia di su direktiva kompleto i invitadonan, Sra. Desiree “Daisy” Coffie a presentá e movimentu polítiko nobo Movimentu 21, abreviá M21. Movimentu 21, pasobra ela lanta den aña 2021 i ta prepará pa siglo 21, E “vuurtoren”, torno komo símbolo di direkshon, di guia i di kompas pa pueblo, hasta den tempunan turbulento.

Daisy a tene su introdukshon, den kua el a menshoná entre otro inovashon, integridat, partisipashon, inklusividat, solidaridat, i renobashon polítiko. Konseptonan ku ela primintí di lo bai duna nifikashon ku akshonnan konkreto, pero ku djabièrnè no tabata e momento oportuno pa tira tur su balanan.

Daisy tabatin un spich hopi kla ku ta inspirá speranza i konfiansa. E tin

basta aña komo miembro di Konseho Insular. Despues ku den un forma no elegante e mester a tuma despedida di partido MPB un aña pasá, ela bin ta funshoná komo miembro independiente den Konseho Insular.

Profilashon

Den Konseho Insular Daisy Coffie a profilá ku hopi kritiká i kontribushon konstruktivo, pero tambe e tabata e bos pa mustra riba e maneho ku no tabata kana na interes di pueblo. Integridat den gobernashon tabatin su atenshon spesial. Semper respetando su koleganan ela mantené un nivel ku sigur a distinguié i ku a hasié diferente.

Ku lantamentu di M21 e ke sigui duna e interesnan di e pueblo un bos. Na un manera determinante, ela mustra ku mester bai bèk mesa ku Hulanda pa logra ku e relashon ku Hulanda semper mester tin komo

meta bienestar di e pueblo boneriano. E relashon aktual segun Daisy, no ta kumpli ku esakinan i e no ta satisfasé e pueblo. Na mesa ku Hulanda e diskushon mester ta: mehorá loke a bai bon den e último 11 añanan, korigí loke a bai robes i akordá puntonan ku no ta den e akuerdo aktual i ku meresé atenshon.

Ken nos ta?

Segun Daisy, a yega e ora pa nos komo pueblo kontestá e preguntanan kardinal i fundamental: Ken nos ta? Ken nos ta komo Boneriano? I kiko nos ke?

Ta importante pa nos kontestá e preguntanan aki. Pa mundu i pa otro. Nos lo subi huntu òf nos lo kai huntu komo un pueblo, asina Daisy a sigui trese dilanti. Si nos ta uní di bèrdat, ningun hende lo por tene ningun otro abou ni atras.

E lucha di e movimentu lo ta pa sali na vanguardia



di e pueblo, ku ta nifiká lucha na nòmber di sobriebientenan di vários inhustisia, kontra probechadónan, kontra silencio inhustu, stigmatisashon, diskriminashon, desigualdat, etc.. Papiando ku hopi hende, Daisy ta konvensí ku e tempu ta apropiá, pasobra hopi ta preokupá pa e rumbo ku nos ta bayendo.

Den e tempu binidero lo bai mira e presensia di e movimentu aki den tur skina aki na Boneiru i un yamada ta ser hasí na un

i tur pa uni nan mes ku e movimentu sin importá di kua religion bo ta, di ki desendensia bo ta bin, kua orientashon seksual bo a skohe o kua partido polítiko bo a vota p'e.

E movimentu ta pa un i tur ku realmente no ke sigui para na banda mas i ke duna su aporte pa chikí ku e por ta pa hasi e diferensia. Pronto lo habri e oportunidat pa tur hende ku ta deseá bira miembro di M21, registrá nan mes i asina fortifiká e movimentu.

Pa muchanan outista haña enseñansa spesialisáa

"TA UN LEI MESTER KAMBIA"

KRALENDIJK— Anteriormente BONERIANO a trese un kaso dilanti, unda un mama ku su yu outista no por a haña un skol adekuá pagabel pa su yu. Mester bisa por sierto ku ta basta ta e reakshonnan ku a bini for di diferente huki i ta alarmante mira kuantu mayor ta den mesun situashon. Por konkluí, mirando e gritunan aki, ku mester bini un skol dediká na e muchanan spesial aki. Den kaso spesífiko di outista, BONERIANO a kombersá ku Vera Dohmen-Vergoossen, kende ta direktor di e skol Het Koraal. E skol ta spesialisá den enseñansa spesial pa muchanan ku outismo. Segun e kabes di skol, un lei mester kambia pa kosnan por kana.

Investigashon

"Na 2017 mi a kuminsá investigá dikon Boneiru no tin enseñansa ku ta kuadra ku e muchanan ku mester di mas atenshon, pa ta ma spesífiko esnan ku outismo. A bin sali na klá ku Boneiru no a inkluí e lei di enseñansa spesial di Hulanda na 2010. Despues di 10-10-10 ku Boneiru a bira parti di Hulanda, e lei di enseñansa spesial a keda para i no a hasi kambio na dje. Konsekuentemente el a keda manera e tabata," asina Dohmen ta kuminsá splika.

Pa por komprondé e materia un poko, ta asina ku Hulanda, banda di enseñansa regular, tin tambe enseñansa spesial. Finansiamentu pa e skol spesial ta bini di un parti di ministerio di enseñansa i un otro parti ta bini di skolnan regular. Na Boneiru ta asina ku tur

mucha ta bai skol regula, sin distinshon ku na mester di enseñansa spesial òf no.

Enseñansa spesialisá

Pero entretantu po-blashon di Boneiru a krese drástikamente i skolnan tambe a yena. Konsekuentemente no tin atenshon mas pa e mucha ku mester di esaki. Dosentenan tampoko no tin e konosementu adekuá kon pa atendé ku e tipo di muchanan aki.

"Mirando esaki mi a bai aserká minister ku e intenshon pa wak kon por atendé esaki i pa mostra e nesesidad pa bini ku enseñansa spesial", segun Dohmen.

E ta haña tende ku no ta na nodi, pasombra tur mucha ta bai enseñansa regular i no tin un lei tampoko ku ta indiká ku mester tin un skol spesial. "Pues konsekuentemente no tin manera pa kubri gastunan tampoko di esak", segun Dohmen.

"A sali un publikashon ta duna e impreshon ku ta masha fásil ta kuminsá ku un skol aki na Boneiru. Esaki no ta a e kaso. Den e `regelgeving` tin ponè ku pa kuminsá un skol mester tin por lo mínimo 200 alumno. Den pasado gobièrnu tabata envolví den rekutá i apuntá e muchanan, pero entretantu a bini kambio i ta e skol mes por hasi esaki." Pero e kabes di skol ta splika ku pa enseñansa spesial esaki no por.

"Mi ta di opinion ku un skol spesial no ta un skol `normal` pues no por tin 200 alumno pa esaki. Dikon, pasombra bo ta haña bo ku klasnan mester bai bira di 30 mucha meskos ku enseñansa regular. Tambe ta bin

aserka ku finansieramente ta haña pagá pa 200 alumno ku ta un kalkulashon ku a hasi na momentu ku un dosente tin 30 mucha komo su responsabilidad. "Esaki no ta loke nos ke ku enseñansa spesial".

E ta sigui splika ku e-sensia di enseñansa spesial ta gruponan chikí, meskos ku Hulanda konosé komo enseñansa spesial. Pues simplemente bisá no tin lei pa indiká esaki. Na su konsepto a yega ora pa kambia lei despues di tantu aña

E direktor ta sigui splika ku el a tuma nota ku aña eskolar tras di lomba gobièrnu a trese dilanti di ta bai finansa loke ta yama `specialistch onderwijs`. Gobièrno den koperashon ku OCW i EOZ ya a apuntá un lider di proyekto ku lo mester pone esaki riba pia. "No a inkluí nos komo skol, pero mi a laga tende di mi si den luna di novèmber i despues ora mi no a tende nada mas, den luna di febrüari mi a bolbe puntra kiko ta bai pasa. Komo kontesta mi a haña ku e lei no ta bai kambia i ku lo introdusí `specialistch onderwijs` ku aktualmente ta den fase 2 i ku ora ta asina leu mi ta tende, te awe nos no a tende nada mas.

Lo mi ke ta pa gobièrnu simplemente supsidia e skol. Kada bes mi ta tende nan ta bezig pero nada. I entre tantu tempu ta bai.

Het Koraal

E skol spesialisá riba enseñansa spesial ta akreditá pa inspeksion di enseñansa. Segun Dohmen Hulanda ta dispuesto pa duna sèn pa enseñansa spesial.

E ta indiká ku Hulanda ta manda e sèn EOZ i esaki na su turno ta repartí esaki bou di e diferente skolnan ku mester sòru pa krea e espasio pa e nesesidad di e mucha spesial.

Mas aleu segun Dohmen, EOZ a risibí den último 4 añanan un montante di masomenos 8 mion pa aña pa `zorg kinderen`.

BONERIANO a puntra Dohmen si e enseñansa spesialisá aki no ta un posibel solushon. Den su konsepto no, i e ta duna un splikashon dikon.

"Bo mester tin ekspertisio i konosementu. Banda di esei bo mester tin maestronan kalifiká pa por hasi e trabou aki. Un maestro no por duna lès i banda di esei tambe duna e mucha spesial lès i atenshon ku e mester. Mester di mas ku un maestro, mester di partnernan manera logopedist, fysio etc. Klasnan ta grandi i simplemente bo mester di mas man pa hasi esaki. T'esei ta loke ta pasando aktualmente na skolnan. Ta krea un klas ku mester duna enseñansa spesialisá pero e maestro no ta ekipá pa por atendé ku esaki. E no tin suficiente formashon pa hasi esaki no sosten den skol pa esaki."

Den kombersashon ku entre otro EOZ, nan tambe

ta rekonosé ku mester bini ku enseñansa spesial pero segun Dohmen e no ta ripara hopi moveshon di parti EOZ pa konkretisá esaki.

Afiliá

Vera ta duna di konosé ku di parti OCW el a haña rekomendashon pa forma parti di skolnan eksistente. E ta splika ku esaki no ta un opshon pasombra los ku e skolnan no ke esaki, e ta mira otro opstákulo.

"Si nos bai forma parti di por ehèmpel e skol Pelikaan, tur mucha di e skol aki lo haña preferensia i konsekuentemente no ta sobra espasio pa muchanan di otro skol ku tambe mester di enseñansa spesial. Esaki ta ami su sentimentu i opinion riba esaki. Pues otro motibu dikon di nos banda tampoko ta simpatisá e idea."

Por último e kabes di skol ta ekspresá su deseo máksimo. "Lo mi ke ta pa gobièrnu simplemente supsidia e skol. Kada bes mi ta tende nan ta bezig pero nada. I entre tantu tempu ta bai i ta perhudika e muchanan".

BONERIANO despues di e entrevista a ki a buska kontakto ku entre otro diputado den Heyer i tambe Nolly Oleana di OCW pa un splikashon di nan parti.

PARTISIPASHON IMPORTANTE



Pa tur informashon i komunikado den EXTRA/ BONERIANO, por favor usa mail: extrabon@gmail.com



Mi problema, kisas asta por bisa desgrasia, ta ku mi no por sinta ketu nunka. Mi ke ta den move-shon, hasi kos nobo, eksperimentá. Mi ta kreativo i inovativo. Semper bai 'bida den serbese-ria'. Esei ta mi. Asina mi tabata, mi ta i lo ta tanten ku mi por hala rosea lo sigui ta.

Djasabra último, den tur silen-sio, m'a kuminsá ku algu nobo, despues di a kombersá na algun okashon ku Marlene. M'a topa ku e dama makamba aki den vários konteksto último dos aña. Kurso, kaminata i tambe komo guia den un proyekto di algun profeshonal di TOP Professionals. E ta un di mi siguidónan. E ta un persona ku ta hasiendo tur esfuerso pa siña papiamentu. E tin deseo pa integrá, ta parti dje isla aki, meskos ku nos TUR ta desendiente di hendenan ku un tempu a bini djafó. (No lubidá esei NUNKA!)

Un dia, kombersando ku Marlene, m'a bis'é ku mi ta kere ta posibel pa siña un hende dominá e papiamentu di un otro forma ku di sinta den klas laga un dosente splika i siña tokante verbo, sustantivo, athetivo i tur e detayenan teórikos aki ku ta rondoná un idioma. Mi a splik'é ku mi ta kere di por siña un makamba dominá nos idioma djis kanando den naturalesa. Pues na un forma práktiko na promé lugá, kombiná ora ta altamente nesesario ku algu teórikos.

E loke m'a splika Marlene no a lag'é lós. El keda manda app pa puntra ki dia nos ta kuminsá. M'a bis'é ku si e logra forma un grupo di 5 persona nos ta kuminsá. El a logra forma e grupo i djasabra último nos a kuminsá. Grátis naturalmente. Ta un proyekto piloto. I e promé seshon tabata un éksito rotundo. Puntra nan boso mes. Den e mainta ei nan a siña mas ku loke nan a siña di diferente lès klasikal. Mi tambe a siña.

Mi mester konkluí bisando ku pastor Goes (defuntu) a konta mi di e método aki. Boso no a ripará kon lihé pastornan makamba tabata siña papiamentu?

Aries Felix ta puntra

“Unda kos nobo a keda?”

KRALENDIJK – Aries Felix den entrevista duran-te e programa Aktualidat na Bonaire.tv, no tabatin nin-gun bon palabra pa gober-nantenan, tampoko miem-bronan di Konseho Insular. A propagandá kos nobo durante elekshon, pero ta mesun sistema bieu a kon-tinuá.

Felix a referí tambe na gezaghebber, kende ta e hefe di estado ku mester

ta un persona ehemplar ku mester duna tur sorto di ehèmpel. E ta un persona ku ta manda karta pe, pero no ta haña kontesta. El a para bira un maneho ku no ta kontestando ningun hen-de, ta esaki ta yama bon gobernashon.

Tin tambe un eks diputado ku awendia ta miembro di Konseho Insu-lar, ta proklamá kos nobo. “Mi pregunta direkto na

dje ta, ta esakinan ta kos nobo.

No ta kontestá hende, bo pueblo no ta interesá bo. Ora sinta den e sala di re-union òf ora bo ta skucha un reunion di Konseho Insular, lamentablemente tur e otro miembronan ku ta di mesun grupo ora esun mayó bisa un kos, e mayoria ta lanta bisa ‘voor’, anto bo ta bisa ku mester duna e hóbenan aki pa nan tambe siña. Pero bo no ta laga nan ekspresá nan opinion,” segun Felix.

Felix a duna ehèmpel; ‘Si e hòmber aki para na rant di un pos i bisa mi ta bai bula i e otronan bisa ‘voor’, e ta bula tambe? Pero mi sa sigur ku e lo bisa e otronan bula boso promé i último mi ta bula’. Bo ta kere e ta bula, laga e pantominan aki para un banda.

Felix ta hopi desapuntá den e sistema di gober-

nashon aktual. Wak por ehèmpel ku Nina den Hey-er a sali ku forsa, pero ta kibr’é na kaminda, pero e sí lo keda kue voto, pero e otro pa e próksimo elek-shon kasimiente nan lo no ta a ni interesá, pasobra sem-per nan a traha ku agènda skondí. Ta nos mes ta duna e hulandesnan oportunidat pa bini ku un partido.

Un kos sí, danki Dios Hulanda tei, pasobra kon lo tabata pará ku Boneiru. Bo-neiru ta bon pará, loke nos mester hasi aki na Boneiru ta ku mester mester laga interesnan propio para un banda, ban kuminsá wak e pueblo. Nos a bira un isla di pidi limosna, Felix a trese dilanti.

Felix: “Loke mi ta wak ta e konsekuensia di e yu-dansa aki. E hendenan ku Hulanda a yuda aki, nan lo tin gana di bon traha bèk.”



Kastigu pa muhé burachi ku a maltratá polis

KRALENDIJK – “Niun hende no ta perfekto. Mi no ta orguyoso di lokual mi a hasi”, Marlys N.(38) ta bisa den Korte den Promé Instansia. Djáron 15 di sèptèmber 2021 hues mr. Snitker a konden’é na un kastigu di prizòn kompletamente kondishonal di 1 luna ku 1 aña di periodo di prueba. Tambe el a haña 50 ora di kastigu di trabou. Esaki pa maltratá i ofendé polis i resistí aresto.

Ministerio Públiko ta akus’é di 4 echo kastigabel pero korte no a haña e akusashon di menasa probá.

Fiskal mr. Teengs Ger-ritsen e trese e kaso dilanti hues miéntras abogado mr. Osepa a hiba defensa di e dama.

Agresivo i insolente

Segun e dosié riba 5 di

sèptèmber 2020 polis a bai na adrès di e akusa-do despues di a risibí un ‘melding’. Na e sitio a bin topa ku M.N. bou di influensia di alkohòl. E tabata den un estado basta agresivo. Polis a trata na kalm’e pero e akusado a risistí i a bringa ku polis. Durante e forsegeo ku a surgi el a pone man riba arma di kandela di un brigadir femenino. Na momentu ku a trata di arest’é, el a dal e brigadir skòp den su parti íntimo.

Durante henter e es-ena aki M.N. a usa basta palabra insolente kontra e brigadir. Ministerio Públiko ta konsiderá e echo ku M.N. a mishi ku arma di e polis komo menasa di e agente.

“Mi no sa kiko a pasa mi e anochi aki. Mi a bai

bebe ku mi amiganan. Mi ta lamentá loke a pasa. Spesi-almente pasombra ta kontra polis”, M.N. ta bisa.

“Awor mi ta mira un muhé drechi i elokuenta pero e anochi ei tabata henter un otro muhé”, hues ta respondé.

“Mi sa ku mi tabata fout pero mi ta haña ku polis a eksagerá. Mi tabata na mi kas i no riba kaya. Nan por a atendé otro”, M.N. ta agregá.

Impakto grandi

Abogado mr. Osepa a splika korte ku pareha di su kliente a yama polis na momentu ku esaki tabata kibra kos den kas. “No tin sufisiente informashon den e dosié tokante e motibu. Mester tin mas atenshon pa ku esaki. Teniendo na kuenta e konsepto ‘Culpa in

Causa”, e ta bisa. Pa e abo-gado, mester konsiderá e palabranan insolente komo libertat di ekspreshon di su kliente. Tambe e ta pidi korte pa tene kuenta ku e pareha di M.N. ta un per-sona basta konosí na Bo-neiru. E suseso tin impakto grandi riba nan bida.

Hues a duna M.N. e úl-timo palabra. “Mi ke duna mi diskulpa na e agen-tenan. E kos aki no tabata agradabel”, M.N. ta bisa.

Hues no a haña e akusashon di menasa probá. “Maltrato sí ta probá. Bo tabata agresivo kontra e brigadir sin niun motibu, bo a ofendé i humiy’e. Laga esaki ta un atvertensia fuerte pa bo. E kondukta aki no ta kuadra pa un mama”, mr. Snitker ta bisa promé ku duna su sentensia.

Daisy Coffie:

“Mi ta orguyoso di ta un Boneriano”

Manera mayoria di boso sa, mi ta nasé i lantá na Playa, pa ta eksakto much'i Sabana, di mayor-nan nasé i lantá na Playa Grandi i Rincon, ku desendensia di Nort'i Saliña, di unda mi ansestronan ta bini.

Mi mayornan despues di a formalisá nan relashon den un matrimonio a muda di Playa Grandi i Rincon pa Playa, Sabana pa kuminsá e fase nobo di nan bida.

Nan a bini Playa pa persigui mas ku solamente e fasilidatnan ku Playa tabata ofresé kompará ku Rincon i Playa Grandi.

Nan tambe, meskos ku hopi mas, tabata persigui un soño. I e soño ei tabata pa nan mes i pa ami i mi rumannan Denise, Romy i Sapphira.

Komo muchanan, kresiendo na Sabana den siman i pasando fin di siman na Rincon i Playa Grandi, nos a wòrdu lantá den i pa un komunidad ku tabata kere siegamente den e promesa di nos isla Boneiru, i ku un kompreshon enorme pa e partinan di e promesa di nos isla ku ainda tabata falta pa realisá.

Nos a lanta den un komunidad kaminda a siña nos pa mira un mundu mas aleu ku djis rondó di nos so. Pa ta konsiente di i pa muestra kompashon pa “strugglenan” di tur hende.

Servisio públiko

Nos a lanta ku e kreensia ku servisio públiko ta un kousa noble I ku e pelea pa hustisia ta tur hende su responsabilidad.

Mi tata sa bisa: “No sinta un kaminda i reklamá, hasi algu.” Básikamente mi ta kere e tabata ke men: “Bo tin ku lanta'riba, para riba bo pia i nunca give up e lucha!”

I ta e kreensia aki, ku ta te den mi ser ankrá, a inspirá mi pa tuma e desishon pa sirbi mi pueblo.

Ta mas o ménos 6 aña i mei pasá, ku m'a kana drecha e sala di reunion di Konseho Insular na Pasanggrahan pa promé bes i a bisa e sinku palabranan ku lo a guia

mi den mi karera polítiko: “Daisy Coffie, pa e pueblo!”

Sistema polítiko

Bueno.... Mi tabata sa ku nos sistema polítiko no tabata esun di mas mihó. Pero mi tabata sa tambe, ku polítika tin un impakto profundo riba bida di nos hendenan i ku komo un polítiko un di mi responsabilidatnan ta pa duna nos hendenan seguridat i dignidat.

Mi tabata sa ku mi ke a protehá nos pueblo. I mi tabata sa ku e hendenan den nos sosiedat, ku mas ta bira víktima di e sistema, ta esnan sin bos i esnan vulnerabel.

I for di e tempu ei, meskos ku awor, mi tabata i ainda ta kere ku no mester laga ningun hende su so den su lucha.

Ami ta kere firme, ku kada malu o daño hasi kontra kada un di nos, ta malu of daño hasi kontra nos tur.

Esaki ta un punto ku mi a splika hopi bes na víkteman di malu of daño, hopi bes hasi na nan dor di hende ku nan a konfia.

Vanguardia

Mi ta rekordá e hendenan aki semper: Bo no ta invisibel. Nos tur tei pa otro. Esei te poder di e pueblo. Henter mi karera polítiko, mi tabatin solamente 1 kliente: e pueblo di Boneiru.

Sali na vanguardia di e pueblo ta nifiká lucha na nòmber di sobrebibientenan di vários inhustisia, kontra probechadónan, kontra silencio inhustu, stigmatisashon, diskriminashon, desigualdat, inhustisia i asina mi por nombra hopi mas....

Ta huntu nos mester bai e luchanan aki. Pa ta sigur ku nos a gana e bataya òf nos a pèrd'é, pero nos nunca a stòp di lucha pa loke ta di nos, Ikke nos tin derecho riba dje o loke nos meresé...

Lucha

I p'esei nos ta aki awe. Nos ta aki pasobra nos tin un otro lucha nos dilanti. Nos ta aki, sabiendo ku nos ta na un punto krusial di

historia di mundu. Nos ta na un punto krusial di e historia di nos isla. Nos ta aki pasobra e soño di nos antepasadonan i e demokrasia boneriano ta menasá di kai pèrdè mas ku nunca anterior. Nos ta aki ne momentu aki di tempu pasobra nos mester kontestá un pregunta fundamental.

Ken nos ta? Ken nos ta komo Boneriano? I kiko nos ke? Ta importante pa nos kontestá e preguntanan aki. Pa mundu. I pa otro. Akinan i awor mes.

Laga nos nunca lubidá, ku pa loke ta trata asuntunan fundamental, nos tin mas tantu kos en komun ku loke ta dividi nos.

Tin ku ta bisa ku di un forma of otro nos mester buska manera di haña e base komun ei.

Loke ami ta bisa ta; ku nos tin ku rekonosé ku nos ta pará kaba riba e suela firme i komun ei.

Na mi humilde opinion nos lo subi huntu òf nos lo kai huntu komo un pueblo, Si nos ta uní di bèrdat, ningun hende lo por tene ningun otro abou ni atras.

Ta trata e ora ei di lucha pa nos isla ku trato igual, meta kolektivo i libertat pa un i tur. Esei nos ta.

I komo tal, ta un honor p'ami, pa ta para dilanti di boso, ku un bista kla di e lucha nos dilanti I loke mester hasi, ku fe den Dios Todopoderoso, fiel na mi isla Boneiru, I ku e “fighting spirit” ku mi a heredá di mi mayornan i mi ansestronan.

Movementu

Awe mi ta aki pa anunsiá ofisialmente e lansamentu di un movementu inovativo ku kua mi ke sirbi e pueblo Boneriano.

Mi ta lansa e movementu aki pasobra mi ta stima mi isla Boneiru. Mi ta lansa e movementu aki pa por guia e pueblo, huntu ku e pueblo i pa e pueblo. Mi ta lansa e movementu aki pa lucha pa un Boneiru kaminda nos ta tene nos na nos palabra i kaminda nos ta honra nos promesanan hasi i karga nos responsabilidad. Mi ta lansa e

movementu aki pa por lucha pa un Boneiru próspero kaminda tin bienestar na kantidat pa kada un siudadano.

Pasobra esei ta nos Boneiru. Esei te Boneiru ku ami ta kere den. Esei te Boneiru ku mi sa ku nos tur ta kere den. I lansando e movementu aki, mi ke bisa lo siguiente: Mi no ta perfekto, Dios Todopoderoso sa ku mi no ta perfekto. Pero mi lo papia semper ku desensia i klaridat moral i lo mi trata tur hende, e pueblo, ku dignidat I rèspèt. Mi lo liderá ku integridat. I mi lo papia e bèrdat. I klaro, nos tur sa ku e kaminda ku mi ta drecha awe aki no t'esun di mas fásil ni lo e no ta fásil.

Kurashi

Robert Kennedy a bisa hopi añanan pasá: “Solamente esnan ku tin e kurashi pa riska frakasá lo tin logronan grandi!” Tambe ela bisa:” No ta simplemente liderazgo di nos nashon ta den e wega. Ta nos derecho i responsabilidad pa ku liderazgo moral di e planeta aki pa ofresé un alternativa”.

Pues awe mi ta bisa boso: esakinan no ta tempunan komun i koriente. I e movementu inovativo aki lo no ta unu komun i koriente.

Pero esaki ta nos Boneiru. Anto ta keda na NOS, na kada un di nos pa yuda drecha e situashon aktual ku nos ta den. Laga nos rekordá ku den e lucha aki nos tin e forsa di poder di e pueblo.

Nos por logra e soñonan di nos mayornan i antepasadonan. Nos por drecha nos Boneiru.

Nos por duna nos muchanan e futuro ku nan meresé. Nos por restorá e liderazgo moral. Pues ban hasi esaki.

Ban hasié huntu. I ban kumin-sá awor. Mi ta invitá bo pa djòin Movementu 21, pa huntu nos ban traha na un mihó Boneiru, un Boneiru próspero ku ta brinda bienestar na un I tur. Abo ta e diferencia!

Kaso di hòmbber ku a manda outo riba polis posponé

KRALENDIJK-- Kaso di hòmbber ku a manda outo riba polis posponé.

“Mi ta pidi hues pa no tuma un desishon. Hasi un investigashon amplio promé”, abogado mr. Marga Van Lieshout ta boga korte pa su kliente Eslitienne C. di 21 aña di edat. E abogado su deseo ta pa husga su kliente segun derechi penal hubenil.

Ministerio Públiko ta akusá C. di 5 echo kastigabel. Entre otro kore ‘quad’ sin seguro, kore ‘quad’ sin reibeweis, resistencia kontra polis, ofendé polis. E echo mas pisá ta intento di homisidio kontra agentenan polisial.

Remarkabel tabata ku 2 abogado a hiba e defensa. Mr. Van Lieshout i mr. Nicolaas praktikamente a parti e echonan.

Kordinadó di Ofisina Yudansa pa Víktima, señora Martines, a representá e 2 agentenan polisial, ku ta e víkteman den e kaso.

Peligroso

Segun e dosié penal riba 8 di yüni 2019 C. tabata kore un ‘quad’ riba Kaya Korona sin reibeweis i sin prueba di seguro. Riba 26 di febrüari 2020 el a usa palabranan insolente kontra un agente polisial i tambe a risistí aresto.

E akusashon mas pisa a sosedé riba 27 di dezèmber 2020. Polis a mira un persona, ku ta ruman di C. riba un ‘crosser’ i nan a bai su tras. E hòmbber riba e ‘crosser’ no a para pa polis pues a kuminsá un persiguishon di Kaya Korona te Rincon. E.C. tabata den un outo mitsubishi i a mira e suseso su dilanti, konsekuentemente el a ku-

minsá ku velocidat haltu bai tras di polis. Dado momento polis a usa nan vehíkulo komo blokeo riba kaminda i para banda di nan outo. E.C. ainda ku velocidat hopi haltu a kore den direkshon di e 2 agentenan ku ta pará pafó di nan vehíkulo. Nan a lòs tiru riba tayer di E.C. su vehíkulo i esaki a baha fo’i kaminda. “Mi mester a bula un banda sino el o a dal mi”, un agente ta deklará.

“Mi ta trata na imaginá kon peligroso e situashon aki tabata”, hues mr. Snitker ta bisa.

Sikiater forensiko i sikólogo a traha un rapòrt den kua ta bisa ku E.C. no ta kompletamente responsabel pa su aktonan. Esaki pa motibu di su inteligensia limitá i trouma di pasado.

Daño

Segun Martines, 1 agente a risibí tratamentu na hospital pa motibu di un herida okashoná durante e suseso. E otro agente a haña leshon na su rudia. “E agentenan a sinti nan mes menasá. Nan a pensa ku lo ta na último dia”, Martines ta bisa. El a entregá un petishon pa 350,45 dòler komo daño i perhuisio. El a splika ku e suma ta basá riba un kaso igual na Hulanda den kua korte a otorgá e montante aki.

“Bo ta un hurista?”, hues ta puntr’e.

“Nò, pero pa 15 aña nos ta hasi esaki”, Martines ta kontestá.

“Mi ta bai profundisá si a base di lei por hasi esaki”, hues ta reashoná.

“Nan ta pidi rekompensashon pa daño inmaterial. Bo tin un rapòrt di sikólogo?”, mr. Nicolaas ta kuestioná.

“Nò, nan ta trata na prosesá esaki denter di e tim. Nan no ta buska yudansa eksterno”, Martines ta kontestá.

“Bo a kue e montante ku korte na Hulanda a otorgá, den euro i djis kambí’e den dòler. Boneiru ta otro fo’i Hulanda, ekonómikamente tambe”, mr. Nicolaas ta protestá.

“Ami a komprondé ku ta asina mester hasié”, Martines ta bisa.

Kondukta bobo

C. ta splika korte ku polis a dal e ku kabu di pistol den su kabes i p’esei e no por bai skol mas. “Ora mi tabata di bui nan a dal mi. Nan a benta mi den baki di pikòp. Maske m’a entregá nan a dal mi”, e ta amplia.

Fiskal a bisa durante su rekisitorio ku e ta konsiderá e kondukta di C. kontra polis komo bobo. “Kiko

den nòmber di Dios a pone e akusado aktua asina?”, e ta puntra. Ministerio Públiko a demandá un kastigu di prizòn di 24 luna, di kua 6 luna kondishonal ku un periodo di prueba di 2 aña. Tambe e mester bai bou di supervishon di Reclassering i sigui tratamentu na Mental Health Caribbean.

Derechi penal hubenil

Abogado mr. Van Lieshout a bisa ku e no a risibí informashon tokante e echonan ku e tin ku representá. E ta pidi korte pa posponé e kaso i hasi un investigashon amplio pa determiná si por husga C. segun derechi penal hubenil.

Pa abogado mr. Nicolaas no por akusá E.C. di intento di homisidio. “E agentenan mes a hinka nan bida den peliger dor di para banda di outo. Hopi robes di polis”, e ta bisa.

Fiskal mesora ta reashoná. “Mi ta haña ku ta un remarke hopi idiot di un abogado. Bo no por bisa ku polis mes a hinka nan bida den peliger.” Mr. Nicolaas no a move di su punto di bista. “Defensa ta keda para ‘riba ku ta polis mes a hinka su bida den peliger. Bo no ta bai para banda di e outo i den suku.”

Hues a bai di akuerdo ku e abogadonan pa posponé e kaso. “Ta un kondukta deskabeyá ku bo ta mira hopi serka personanan yòn. Bo tin un personalidat ku no ta madurá”, mr. Snitker ta bisa. El a duna òrdu pa hasi un investigashon amplio tokante e personalidat di e akusado. “Koperá mas tantu posibel. Ta trata aki di bo futuro”, hues ta konsehá E.C.

Korte den Promé Instansia a posponé e kaso kontra Eslitienne C. indefiní.

Mester bini kambio di mentalidat

KRALENDIJK -- Mester bini un kambio di mentalidat serka nos mes komo boneriano. Laga nos ta sinsero ku nos mes, bo tin 6 hòmbber ta traha pa bo. Na 10-10-10 momentu ku hulandesnan pia a kue tera, ta aki e desgrasia ta, pasobra nan ta bai lur tur kaminda wak kua ta e mihó hòmbber ku bo tin den bo tim i ta ofresé nan un oferta ku nan no por rechasá, segun Aries Felix.

Felix, durante e programa Aktualidat na Bonaire.tv, a indiká sí e boneriano no ke sali dilanti

ta su problema, pero nos tabatin e mihó hòmbbernan di mundu, hòmbbernan trahadó, awendia e hendenan aki a bini i a dañá tur kos.

Tin un gezaghebber ku a tripi na bisa tambe ku ta prostituí Boneiru, pero ken ta prostituyendo Boneiru, e ta sali for di mesun gremio di gezaghebber, segun Felix.

Felix su mensahe pa gobernantenan i prinsipalmente na miembronan di Konseho Insular: “Boso ta e órgano ku mester pone gobièrnu di Boneiru riba pia pa e por traha i fungi pa

e pueblo di Boneiru. Mester traha sin interes propio, mi ta mira klaramente kon por sobreviví den un largu tempu, pasobra loke boso a dañá, mester di un dies aña pa drech’é. Pero si boso ta deseá kosnan propio ayó Boneiru. No neglighá boso hendenan, pasobra loke ta pasando awor aki ta un abuso total.”

TA BUSKA

un persona pa kuida i biba ku un sra di edat pa 51/2 dia pa siman. Tin propio kamber-baño. Por tuma kontakto na **795-9329**

Aleman i hende peligroso pa estado (1)

Den su buki 'Wuiven vanaf de Waranda', ku ta kontené historia di un kampamentu ku gobièrnu a laga traha na Playa Pariba durante Segundo Guera Mundial, pa asina a sera aleman i personanan konsiderá komo peligroso pa estado, e outor drs. Junnes Sint Jago ta splika kon detenshon di e Alemannan den "Gebiedsdeel Curacao" (despues Antia Hulandes) a bai.

E Alemannan bibá na Antia Hulandes den e tempu ku Adolf Hitler a kuminsá ku su akshonnan di guera na Oropa, tabata tene debido kuenta ku Alemania un dia lo a tuma Kòrsou i e otro islanan hulandes den Caribe over, dado kaso Hulanda mester a kapitulá. Te asta nan tabatin algun hende ku den un kaso asina lo mester a tuma gobernashon di e islanan aki over.

Den un karta di 16 di novèmber 1959 na Johan Hartog, kende a skirbi diferente buki di historia di e islanan aki, e sekretario dje tempu ei di Departamentu di Hustisia, Willem (Weis) de Haseth, a skirbi ku, djis promé ku a detené e alemannan bibá na Aruba i Kòrsou, rumor nan tabata sirkulá ku Herbert Tischer tabata destiná pa bira gobernador di Kòrsou. I ku den un listramentu ku a tuma lugá na su kas situá na Berg Altena te asta nan a haña su trahe di gobernador.

Komersiante Tischer

Ken tabata Herbert Tischer? Tischer aki tabata un aleman konosí na Kòrsou. E tabata biba na Scharlooweg 65. Tabata papia di 'Kurá di Tisher', refiriendo



**Gezaghebber
Van Leeuwen.**

na e sitio aki. Di e alemannan ku outoridatnan a detené dia 10 di mei 1940, ora ku Alemania a okupá Hulanda, Tischer tabata sin duda esun di mas konosí.

Bou di e nòmber 'Tischer & Co.' e persona aki tabatin un edificio den Heerenstraat 16 na Punda, na unda e tabata bende outonan di marka Chrysler, Plymouth i Fargo. Mas aleu e tabata bende tambe paña di bisti dje markanan Phoenix i Ribana, bals Wrigley's (PK), pènnan Pelikan i Silmet Zilver, un produkto pa limpia artíkulo nan di metal presioso.

Komo importadó di artíkulo nan di deporte dje marka Slazenger, Tischer tabata den posishon pa fasilitá gratuitamente artíkulo di deporte pa torneonan ku e mes tabata organisá regularmente pa hubentut di Kòrsou.

E popularidat di Tischer a subi enormemente debí na su aktividatnan sosial. Especialmente serka e hubentut di Kòrsou Tischer tabata hopi apresia i stimá. Charles Gomes Casseres a deskribí 'Herr Tischer' komo un hòmer sùmamamente amabel. Pero di otro banda su esposa, 'Frau Tischer', sí tabatin su beisnan tin bia.

Alemannan sospechoso

Na luna di ougùstùs 1939 e gezaghebber di Boneiru e tempu ei, Piet van Leeuwen, ta mèldu gobernador, ku desde kuminsamentu di e luna ei tres stranhero tabata kedando na Boneiru, hasiendo kosnan un tiki sospechoso. Tabata trata aki di e alemannan Hass, Böhler i Von Wurzian.

Riba òrdu ku el a haña di gobernador, prokurador general Thys van der Laan a manda e alto-inspektor di polis Willem van der Kroef dia promé di sèptèmber 1939 Boneiru pa investigá e asunto aki. Van der Kroef a haña asistensia di e funsho-

Suseso Inlubidabel ©

Bòi Antoin



Hans Hass ku un tribon ku el a harpuná na Klein Boneiru.

nario polisial Remmé den e investigashon aki.

Den un karta Van der Kroef a reportá ku nan a haña nan mes obligá pa traha mas kuidadoso posibel, pa asina no lanta sospecho. Pero awor ta asina ku riba e Boneiru den e époka ei tabata sumamente difísil, kasi imposibel, pa dos polis hulandes, anke bistí na sivil, kana rònt hasi investigashon, sin ku esaki ta hala atenshon dje poblashon.

Solamente e meta di nan bishita na Boneiru tabata deskonosí. Pero algun ora despues di nan yegada, habitantenan di e isla aki a pensa kaba kiko e dos funshonarionan polisial aki a bin hasi. Nan a sospechá ku binimentu di e duo tabatin di aber ku práktikanan inaseptabel di parti algun komersiante na Boneiru, dor di kua a bin eksistí skarsedat di produktonan petrolero i komestibel riba e isla.

E dos funshonarionan polisial, ku tambe a tuma nota di e pensamentunan aki ku tabata biba serka e poblashon boneriano, a disidí di krea e impreshon ku esei tabata e kaso tambe i

a kuminsá ta bishitá diferente barku ku tabata mará na Playa. Nan no por a haña stòknan grandi di kombustibel na bordo di e barkunan aki. Si nan a topa – anto ta p'esei nan a bini Boneiru tambe – na bordo di un dje barkunan aki e tres alemannan ku nan tabata buska, esta Hass, Böhler i Von Wurzian.

Hass na Klein Boneiru

A bin resultá ku e tres personanan aki a hür e barku aki, un balandra, serka e piskadó Joseph Engelhardt. Nan tabata usa e barku di bela pa nabegá rònt di e isla. Engelhardt, ku tabata nabegá e barku pa nan, tabata haña instrukshon pa dreña e diferente bahianan pa ankra, pa asina nan por a saka foto.

Mas aleu a keda establese ku Hass, Böhler i Von Wurzian a permanesé 12 dia na Klein Boneiru, durante kua periodo nan a okupá nan mes ku piskamentu, landamentu i saka portrèt. Tambe Van der Kroef a skirbi den su relato ku e tres alemannan a haña e sosten nesesario di

parti un hòmbler hulandes bibá na Boneiru, un tal J.W.L. Diemont, ku tabata hopi interesá den peska. Pa e meta aki el a laga traha un boto chikitu. W. van Eijck, ku den su karera lab-oral tabata sup-direktor di CPIM (Curacaosche Petroleum Industrie Maatschappij), a finansiá e boto aki pa Diemont. Despues Van Eijck a bin biba na Boneiru, na unda el a muri tambe. E ta derá den sementerio protestant na Playa.

Segun alto-inspektor Van der Kroef mas aleu den su rapòrt, gezaghebber di Boneiru a instruí e trio aki pa diariamente, 12'or di mèrdia, mèldu na su ofisina. Pero dia 6 di sèptèmber 1939 kaba por ripará ku e tres Alemannan ta bandoná Boneiru direkshon Islanan Los Roques, Venezuela, pariba di Boneiru. E siguiente dia Van der Kroef i Remmé ta regresá Kòrsou.

Komersiantenan aleman

Biniendo bèk riba e alemannan ku tabata bibá na Kòrsou den dèkada trinta di siglo pasá, pues promé ku Segundo Guera Mundial a kuminsá, mes-ter apuntá ku nan tabatin hopi éksito den negoshi. Herbert Tischer, anke kisas e tabata esun di mas popular, no tabata e úniko aleman ku aktividatnan komersial floresiente riba e isla ei.

Un di e komersiantenan aleman (hudiu) aki tabata Efraim Edwards, ku tabatin e negoshi Firma Edwards, Henriquez & Co., un empresa ku a kuminsá masha chikitu, pero ku despues a krese bira asina grandi ku te asta tabatin un banko bou dje mesun nòmber aki.


Aparte di e diferente aktividatnan komersial ku e tabata desplegá, e empresa aki di Edwards tabata agente tambe di e kompania di barku aleman HAPAG, ademas di Hamburg Amerika Lijn i Scadta, un kompania di aviashon aleman-kolombiano. Tantu HAPAG komo Scadta a hasi historia. HAPAG a trese e promé barku di turista Kòrsou na aña 1905, esta e barku s.s. Prinzessin Vic-

toria Luise. Scadta di su parti a kuminsá ku e promé konekshon aéreo ku Kòrsou, promé pues ku Snip a yega Kòrsou. Otro komersiantenan aleman konosí e tempu ei na Kòrsou tabata Ludwig Reck i Alfred Jung. Reck tabatin un negoshi di fotografia bou dje nòmber 'Sunny Isle', miéntras ku Jung tabata bende disko den un lokal situá den Breedestraat (P) pa e preis di fl.1,25, ku pa e tempu ei tabata un preis hopi spesial.

Reck ademas tabata agente di film marka Agfa i tambe di e famoso kámaranan aleman marka Leica, Rolleiflex i Exakta. El a introdusí un novedat na Kòrsou ku su servisio pa laba film den 24 ora. Un di su klientenan mas importante ta-

bata e famoso Fred Fisher, un fotógrafo oustriako aleman, ku tabata fungi komo fotógrafo na tur sorto di aktividat na Kòrsou. Un paisano di Fisher tabata e komersiante Rudolf Magnus, ku tabata den negoshi di paña. E tabata un hudiu ku a hui fin di añanan binti for di Oropa pa nazismo i a resultá pa kasualidat na Kòrsou. E tabata bende entre otro markanan di paña Van Raalte (lingerie) i tapeit rumano. Mas aleu e tabata bende shimis i otro paña di bisti pa hende muhé na preis hopi barata.

Un otro aleman popular na Kòrsou den añanan trinta di siglo pasá tabata Carl Fensohn, entre otro debí na su talento musikal, ku semper e tabata usa pa deleitá e pueblo di Kòrsou.



No tabatin masha militar pa defendé Kòrsou den un eventual atake aleman.

Win Martines a hasi aña

KRALENDIJK—Win Martines (Win Grandi), 2 di òktober a selebrá su fecha natal huntú ku rumannan,

faltando unu ku ta biba na Hulanda. Un amigu di kas, manera ruman, Tè Obispo, semper ta selebrá nan

hasimentu di aña huntú. E aña aki tabata e kaso, huntú Stella, esposa di Win i ruman a selebrá. Un sua di

Win, a presentá ku kitara den un forma di sorpresa i rumannan a kanta 'happy birthday' rònt di bolo i poko despues, komentu di bolo tabatin. Riba dje e nietu di Win, Maevon, a puntra si no

tin piñata, loke e ta kustumbrá di mira ora e bai fiesta. Nan a splik'é ku ta fiesta di hende grandi i no tin piñata. Potrèt ta ilustrá esnan ku a forma parti di e selebrashon di esnan ku a hasi aña.



Luigino Molina gran ganadó di e anochi

Hóbennan a destaká den Bonaire Awards 2021

KRALENDIJK—Djasabra anochi, ballroom di Marriot Hotel, tabata esenario pa e promé edishon di Bonaire Awards 2021.

Debí na reglanan di Covid no por tabatin hopi invitado presente, pero NosTv a sòru pa pueblo di Boneiru i tambe Kòrsou por a gosa

di e tremendo show aki.

Mester bisa ku ta promé biaha ku Boneiru tin un show di e i kaliber aki i sigur skuchando komentarionan, hopi ta spera ku no ta e último bes.

A duna rekonosementu na hóbennan ku ta destaká riba áreanan manera entre

otro di deporte, arte i música.

Tur hóbén a risibí nan premio ku un sonrisa i a ekspresá nan gratitut pa enominashon i tambe premio. E dos ganadónan mas grandi di e anochi a resultá Luigino Molina i tambe Semi Marten. Luigino a bai kas ku 4 premio, miéntras ku Semi a bai ku 3.

Maestro di seremonia pa e anochi tabata Nicole Trinidad i parti di 'showtime' tabata na enkargo di Juriëlla Josephia ku a deklamá, Dance Sensation i Liesje Lispier. Organisashon por wak bèk riba un anochi tremendo unda sigur a kumpli ku e meta di duna rekonosementu na hóbennan boneriano.

"A bai super bon. Mi ta hopi satisfecho di e resultado final i reakshonnan ta positivo i hopi hende a gaba e show. Te ainda mi no por kaba kontesta tur app," asina presidente di e organisashon a deklará den un kombersashon kòrtiku ku BONERIANO a hiba ku ne siguiente dia.

Pabien di parti BONERIANO na tur ku tabata nominá i ku a gana.

Ganadónan

Hungadó di futbòl di aña: Yurick Seinpaal

Windsurfer prometedo; Nigel Hart

Hungadó di biar di aña: Marnix Abdul

Windsurfer di aña;

Amado Vrieswijk

Bòksdó di aña:

Everon Vrutaal

Presentadó di televishon di aña: Betino de Palm

Modelo di Instagram di aña: Caroline Porras

Organisashon promotor di beyesa: BIATA

Kompositor di aña: Luigino Molina

Poeta di aña:

Irlenska Martinus

Grupo Kultural di aña: JC & Friends

Kansion Kultural di aña: Piskadó

Kantadó Krioyo di aña: Luigino Molina

Dj prominente di aña: Dj Roch

Dj popular di aña: Semi Marten

Dj mas original : Marvin Abdul

Dj di aña: Semi Marten

Vidioklep di aña Piskadó by Chuda de Jong

Kansion di aña: Piskadó

Kantante femenino di aña: Semi Marten

Kantante maskulino di aña: Gerald Albertoe





Mester drecha algu na bo kas?

Hasi bo aplikashon online awe mes!

island finance
Nos solo-Semper ta bria p'abo!

Kaya Almirante Pedro Luis Brion #7,
Kralendijk 717-5991

www.islandfinancebonaire.com

*Suheto na aprobashon di krédito i verifikashon di dokumento.



Rijksdienst Caribisch Nederland
Onderwijs, Cultuur en Wetenschap

Dosentenan di Hulanda Karibense

Ta boso ta guia nos alumnonan, apoyá nan, inspirá nan i eduká nan...

Awe ta e dia pa gradisí boso, i pone boso den spòtlait.

Deseando boso felis Dia di Dosente!

Marshe na Animal Shelter

KRALENDIJK – Tabatin un marshe di pruga den kuadro di selebrashon dia di bestia djadumingu 3 di òktober. E aktividat a tuma lugá na Animal Shelter.

Hopi hende a bishitá e evento. Hendenan por a

mishi ku bestianan ku tin na e lugá i duna nan algu di kome.

Pa e hendenan tabatin bendementu di buki i diferente sorto di kuminda. Kombinashon di potrèt ta ilustrá parti di e aktividat.



Hopi falta di rèspèt di shofùr



Shofùr di e vehíkulo riba e foto aki a demonstrá falta total di rèspèt i desensia pa otro hende. El a stashoná su outo djasabra anochi meimei di kaminda riba e tereno entre Bestuurskantoor i Parke Wilhelmina, blokiando tráfiko. No por! Anto outo di polis a pasa ei banda vários biaha.

Reskatando historia oral

Ta buska boluntario pa presentá Herensia

KRALENDIJK – Fun-dashon Históriko Kultural Boneriano (FuHiKuBo) ta buskando hende ku riba base boluntario ke presentá e programa di televishon Herensia, pa asina por logra reskatá mas historia oral serka hendenan dje isla aki. Esnan ku apliká lo mester ta dispuesto pa sigui un preparashon i entrenamentu pa hasi e entrevistanan pa e programa.

“Nos ta buskando hende ku realmente tin interes

pa hiba kombersashon ku spesialmente hende grandi tokante nan bida i e Boneiru di ántes. No nesariamente mester tin eksperensia di televishon”, Bòi Antoin di FuHiKuBo i presentadó di Herensia a bisa.

Na e momentu aki e úniko presentadónan di Herensia ta Bòi Antoin i Chon Theodora. Ora ta trata di programanan na Kòrsou Velli Gijsbertha ta kai aden.

Esnan seriamente interesá pa bira presentadó boluntario di Herensia por manda whatsapp na telefon +599 786-6818.

E programa Herensia a kuminsá na aprel 2000 komo ‘Herensia di Siglo 20’. E programanan aki ta pasa na Bonaire.tv, NOS-TV, TeleCuracao i Tele Aruba, tambe na Hulanda i St. Maarten. Ta warda e programanan komo material pa investigashon disponibel pa tur hende.

Detenshon i konfiskashon arma di kandela

Fin di siman ta sigui turbulento

KRALENDIJK – For di despues ku a suavisá medidanan relashoná ku Covid-19 finnan di siman a bira turbulento anochi. Tur kos ta kuminsá trankil, pero banda di 12or pa kue mas mardugá tin alglomerashon di hende na hopi sitio. Di mes polis e ora ei tin hopi trabou pa hasi. Wikènt pasá no tabata un eksepsion.

E problemanan ta manifestá mas tantu den e anochi di djabièrnè pa manesé

djasabra. Anochinan di djasabra pa djadumingu ainda ta basta trankil.

Durante e anochi i marduga di djabièrnè pa djasabra Kuerpo Polisial Hulanda Karibense a realisá 3 detenshon den 2 kaso.

Den e prome kaso, despues di a risibí keho di menasa ku arma, miembronan di Kuerpo Polisial Hulanda Karibense a enkontrá e hòmer ku a menasá i a kontrol’é a base di e lei di

arma di kandela BES. A realisá detenshon di un hòmer di inisialnan L.R.D di 30 aña di edat i di un hòmer di inisial I.d.P di 17 aña di edat. Durante di e detenshon a konfiská un arma di kandela.

Mas lat riba e anochi agentenan atento a sinti holó di droga i a detené un hòmer di inisialnan S.L.V di 21 aña di edat. Durante di e detenshon a konfiská diferente saku di droga.

Aglomerashon na Pink Beach

Públiko ta yobe polis ku piedra

KRALENDIJK -- Den oranan di djasabra mardugá patruya di polis a dirigi nan mes na Pink Beach, kamin-da tabatin un aglomerashon grandi di hende.

Tipo di aglomerashonnan asina tabata eksistí den pasado resien na Te Amo Beach kaba i a tuma medida pa no pèmití esaki mas. Awor a move pa Pink

Beach, Saliña.


Na yegada di polis na e sitio en kestion djasabra mardugá e agentenan a hasi uso di megafon pa pidi públiko presente pa nan bai for di e sitio. Na lugá di esaki diferente persona presente a kuminsá tira piedra, bòter di glas i otro artefakto den direkshon i riba polis i e

outonan polisial.

Mirando e peliger, agentenan polisial a lòs diferente tiru di advertensia, pa asina ei por logra habri e grupo.

Polis no ta tolerá e tipo di akshonnan aki. Polis lo atendé fuerte ku esnan ku a hasi nan mes kulpabel na esaki. E kasonan tur ta den investigashon.

DAMA X



Tokante M19

Shon Daisy no ta hasi wega. El a anunsiá lansamentu di M21. No bisa mi di Daisy. El a skohe un nòmber interesante pa su partido nobo: M21. Un nòmber mortal.

M21 ta referí na un arma di kandela potente i peligroso. Ta un arma semi-outomátiko di fabrikashon merikano, ku ta dispará munishon 7,62 x 51 mm usá pa paisnan di NATO.

M21 ta basá riba e arma M14 ku nan a tuma den uso na 1969. E arma aki a keda remplasá ofisialmente M24, pero ketu bai spesialmente franko-tiradónan di ehérsito merikano ta us’é. United States Army, United States Marine Corps i United States Navy na Afghanistan i Irak.

Ehérsito merikano a skohe e arma aki pa motibu di su presishon i su konfiabilidadat. Komo ku e arma aki ta semi-outomátiko, por dispará e segundo tiru mesora despues di e promé tiru.

M21 ta bisa den un komunikado emití ayera, refiriendo na Daisy: “... djabièrnè no tabata e momento oportuno pa tira tur su balanan.”

Samsung tambe tin un modelo di telefòn ku a sali na luna di yùli último: Samsung Galaxy M21.

Oudishon pa balia

KRALENDIJK -- Dance Sensation Foundation ta buskando talento nobo pa su seshonnan di pre-dukashonal riba tereno di baile. E oudishon ta riba 9 di òktober di 13:00- 15:00 pa pa e muchanan di skol básiko di grupo 3,4,5,6,7 i

8. Alabes pa e muchanan di enseñansa avansá di grupo 1, 2, 3, 4, 5 y 6.

Por inskribí via di meil dsdkantoor@gmail.com yama na 717-1529 òf pasa na Kaya Italia 9 pa tur informashon tokante e oudishon.

SAN FRANCISCO DI ASIS, Religioso

4 di Oktober 2021

“... abo hasi meskos ku e samaritano.”
(cf Lukas 10,37b)

Den dos parábola, di dos époka diferente, Señor ta demostrá su amor pa su kreashon. Yonas, ta trata di hui di e enkargo ku Señor a dun’é pa hiba e mensahe di salbashon pa e pueblo despresiá di Nínive. Pero Señor ta insistí pa salba nan tambe!

Den Tèstament Nobo, miéntas ku anteriormente dos religioso ta evitá di topa ku un víktima di atrako, Dios ta sali na su yudansa i ta kuid’é, pa medio di un samaritano.

Ken a aktua manera próhimo di e víktima?
E kontesta ta obvio; E samaritano!
Hesus ta konkluí: “Bai hasi meskos!”



Danki Señor, ku Bo ta stima i kuida tur bo kriaturanan.

1L Yon 1,1—2,1.11; Salmo Yon 2,5-8;
Ev Lukas 10,25-37

005999-522-4056



Un Snehil Pan



Minister di Enseñansa y Deporte, Endy Croes:

Hunto cu e veld di enseñansa y sindicato lo pone e direccion pa mehoracion di enseñansa

ORANJESTAD-- Minister di Enseñansa y Deporte, Endy Croes recientemente a duna un resumen di su trabounan di e promediano di su maneho riba e tereno di Enseñansa. E Minister saliente a traha riba e PEN 2030 cu ta e Rapport cu tin riba mesa na unda diferente stakeholder a participa pa trece ideanan di e rumbo y direccion cu enseñansa tin cu bay di awo pa 2030.

Minister Croes a expresa cu su maneho di enseñansa lo wordo guia door di e SDG 4 cu ta e compas cu e Ministerio lo uza pa mehora enseñansa y brinda calidad pa nos muchanan

y maestronan pa un miho Aruba.

E deseo di e Minister ta pa Enseñansa y Deporte bay di acuerdo cu e plan di maneho di Gabinete Wever-Croes II. Pa esaki mester pa departamento y stakeholders hunto cu e Minister sinta hunto y bin cu e prioridadnan den enseñansa y logra un miho maneho den enseñansa.

“Mi a pidi tur stakeholder cu mi a reuni cu nan, pa duna e top 3 prioridadnan pa infiltra kico ta e puntonan cu tin mas pura y esey cuminsa traha riba esakinan dependiendo di e necesidad di cada punto. Despues lo sigui cada biaha

cu 3 top prioridad”, Minister Croes a duna di conoce.

E titular di Enseñansa a duna di conoce cu hopi stakeholder a trece dilanti cu tin leynan anticua. Esaki, Minister Croes ta expresa cu e ta sinti cu e punto aki lo sali hopi halto riba e agenda y lo mester bin cu otro comision di experto mara na deadline pa revisa e leynan pa contretisa e retonan. Tambe e parti financiero y digitalisacion lo mester conoce mehoracion. E rapport di World Economic Forum 2018 ta encera e ‘Future of job 2022 skills outlook’. Minister Croes a remarca cu tin trabounan cu awendia ta existi y tin

otro cu mester bay prepara un fundeshi pa nan como tambe prepara nos muchanan pa e trabounan di futuro aki.

“Ministerio di Enseñansa lo ta man yen cu hopi

trabou y reunion pa pone un direccion hunto cu e veld di enseñansa y sindicato pa traha na bienestar di enseñansa den su totalidad”, Minister Endy Croes a enfatisa.



Prome Minister Evelyn Wever-Croes:

Prome Minister den Parlamento pa splica proceso di formacion di gabinete Wever-Croes II

ORANJESTAD-- Prome Minister Evelyn Wever-Croes, hunto cu Minister Rocco Tjon y Minister Endy Croes, diahuebs mainta tawata den Parlamento na unda cu a trata e proceso di formacion, di reparticion di cartera, y di screening. E procedura pa logra un Gobierno stabiel un biaha mas, a cuminsa dia 25 juni cu eleccion na unda e resultado tabata MEP 9, AVP 7, RAIZ 2, MAS 2 y Accion 21 a haya 1 asiento.

Dia 28 di juni, Gobernador a cuminsa cu ronda di consulta y dia 5 di juli a apunta 2 informador, sra. Tisa Lasorte y sr. Eddy Werleman. Nan tawata tin e tarea pa averigua cua posibilidad tin pa formacion di un gabinete stabiel cu tin confiansa di un mayoria mas amplio posibel den Parlamento. E gabinete mester por yega na un maneho conhuntito, dirigi riba recuperacion financiero y socieconomico di Aruba, particularmente riba implementacion y realisacion di e

Landspakket Aruba. Tawata importante pa e gabinete por cuminsa traha mas pronto cu ta posibel riba un cantidad di asunto urgente.

Cada lider di partido a wordo invita pa sinta cu e informadornan y akinan MEP a indica cu ta dispuesto pa traha cu tur partido, cu excepcion di AVP pasobra nos vision ta pa para pa integridad y bon gobernacion y partido AVP ta e academia di corrupcion. AVP ta brasa corrupcion door di a brasa un candidato cera den prison y cu tabata sospechoso na e momento ey. Dus pa ta hopi cla partido AVP no lo ta un partner den coalicion. Nos tabata sondea e tres partidonan chikito. Sinembargo, MAS y Accion 21 a anuncia un ‘bloque’ cu cantidad di condicion, pero mes momento a cuminsa desintegra internamente. Nan no tabata partnernan stabiel ni confiable mas y asina MEP a expresa na informadornan cu ta mira un coalicion stabiel cu Partido RAIZ.

Dia 8 juli e informadornan a entrega relato y bereidwilligheidsverklaring na Gobernador cual tabata firma pa MEP y RAIZ na unda tin un declaracion di intencion pa formacion di un Gobierno 2021-2025, na Faro, como simbolismo di integridad y di transparencia.

Dia 9 di juli Gobernador a apunta señora Evelyn Wever-Croes como Formador. Parti di e encargo di formacion ta e composicion di un acuerdo di gobernacion general entre MEP y RAIZ y un reparticion di cartera den e gabinete nobo. Finalmente mester controla adelanta e capacidad di e candidatonan pa e funcion di minister y di minister plenipotenciario a base di e proceduranan cu ta referi na dje den e Decreto Nacional di 9 di september 2013. Y a pidi pa finalisa 9 augustus 2021.

Dia 6 di augustus a pidi pa prolonga e periodo di formacion te 27 di augustus. “E proceso a cuminsa y nos a tuma nos tempo pa haci’e

bon pa nos sigura cu nos ta mira tur loka mester durante e proceso aki”, Prome Minister a bisa.

Dia 19 di augustus MEP y RAIZ a firma acuerdo di gobernacion 2021-2025 den lineanan grandi na San Nicolas, como señal di e importancia cu San Nicolas ta hunga den e desaroyo cu e gobernacion nobo kier logra.

“Nos a firma un acuerdo den liñanan grandi y nos a compromete nos mes cu prome cu fin di Oktober nos ta den Parlamento pa presenta e programa di gobernacion. Y nos lo ta den Parlamento prome cu fin di Oktober den Parlamento pa presenta e programa. Cada Minister lo presenta esaki, e vision y e ‘Halfjaar Financiële Verslag’ manera nos ta bin ta haciendo desde 2018 a peticion di oposicion”, Premier Wever-Croes a duna di conoce.

Dia 27 di augustus: Formador a entrega relato na Gobernador, faltando algun documento. Formador ta a-

nuncia cu lo sigui cu 8 minister, 6 pa MEP y 2 pa RAIZ y a palabra e reparticion di cartera riba e partidonan.

Dia 9 di september: Formador a entrega relato final di screening y nombrenan di candidatonan cu lo bira minister a wordo publica. E apuntamento di e candidatonan a wordo haci pa e partidonan, y ta basa riba criterionan cu e partidonan ta stipula. Despues di esaki a cuminsa e procedura di retiro di tur 8 candidato como parlamentario, despues aceptacion di miembronan nobo y dia 20 di september Gobierno nobo a huramenta.

“Gabinete Wever-Croes II a huramenta cu e promesa cu lo goberna nos pais cu honestidad, diligentemente y cu tur integridad. Fin di oktober 2021, Gobierno lo presenta un programa di gobernacion y mes momento e relato financiero semi anual 2021, manera a keda pidi pa Parlamento na aña 2018”, Prome Minister a termina bisando.

Minister Dangui Oduber

Delegacion di ministerio di salud a bishita hospitalnan na Corsow

ORANJESTAD – Den cuadro di e cooperashon entre hospitalnan di 4 paisnan den reino conforme e Landspakket, un delegacion di ministerio di Salud Publico di Aruba riba invitacion di ministerio di Salud di Corsow- a bishita e hospitalnan di Curacao Medical Center (CMC) y Antillean Adventist Hospital. Durante di e bishita e delegacion di ministerio di Salud Publico di Aruba a reuni alaves cu e minister di Salud, Medioambiente y

Naturalesa di Corsow Sra. Pietersz-Janga.

E landspakket cu gobierno di Aruba a acorda cu gobierno di Hulanda tambe ta toca e tema di cuido medico. Den esaki e 4 paisnan den reino ta trahando riba un cooperacion mas estrecho entre hospitalnan pa di e forma aki percura pa cumpra remidinan hunto, intercambi pashentnan entre hospitalnan y percura pa pa por garantiza cuide den reino envez cu mester manda pashentnan otro paisnan.

Minister Oduber ta kere cu hunto nos ta mas fuerte

para y pa traha pa mehoracion di cuido. E delegacion

di Aruba a keda satisfecho cu e bishita.



Fiorella Koolman a cumpli 25 aña den servicio di Gobierno

ORANJESTAD – Dia 1 di oktober sra. Fiorella F. Koolman a cumpli 25 aña den servicio di gobierno. Durante un rato ameno na bureau di Minister di Finansa y Cultura, den presencia di su esposo y famia, sra. Koolman a ricibi su decreto gubernamental corespondiente y un regalo chikito pa conmemora e fecha spe-

cial aki for di Minister sra. Xiomara Maduro.

Dia 1 di oktober 1996, sra. Fiorella Koolman a drenta den servicio na Inspectie der Belastingen di Directie Belastingen como schrijver. Sra. Koolman a sigui varios curso y asina crece den su trabao y conocimiento, na 2004 den e funcion di ADMH 2

na Servicio di Impuesto y desde 2016 den e funcion di Controlemedewerker 1 na Departamento di Impuesto.

Minister Xiomara Maduro a expresa palabranan di gradicimento na sra. Koolman pa su trabao y e lealtad demostra na e servicio publico di nos pais Aruba. Masha pabien sra. Fiorella Koolman.



Frakshon di Man ta pidi reunion di parlamento ku urgensia

Minister, CMC i SVB mester duna klaridat

WILLEMSTAD-- Dia 28 di sèptèmber último CMC a tene un konferensia di prensa kaminda a presentá e situashon di CMC. E situashon ku

a keda presentá ta di tal forma ku CMC a disidí di para operashon selektivo pa aseguronan di SVB.

No ta un sekreto ku e gran mayoria di nos ko-

munidat ta sigurá na SVB. E desishon aki ta trese kuné ku kalidat i seguridat di kuido ta na peliger.

Konforme nos Are-glo di Estado Gobièrnu

tin “zorgplicht” pa nos pueblo. Komo represen-tante di pueblo nos kier salbaguardiá esaki. Ta hopi lamentabel ku tin un lista di espera gran-di di persona ku mester risibí tratamentu médiko i aktualmente no por ri-sibí esaki.

Pa e motibu aki fir-mantenan kier hasi un petishon pa un reunion di Komishon Sentral

konforme artíkulo 33 di reglamento di órden. Pa e reunion aki e frakshon ta deseá pa tei Minister di Salubridat, Medio Ambi-ente i Naturalesa, Repre-sentante di CMC i tambe representante di SVB.

E reunion a keda sos-tené pa Frakshon di PAR i Frakshon di Trabou pa Kòrsou. Petishon ta, pa e reunion aki keda konvoká ku karakter di urgensia.

Detenshon pa maltrato i destrukshon

WILLEMSTAD — Djabièrnè, alrededor di 20.15’or, sentral di Polis a dirigí un unidat di warda di polis na Otrabanda pa un problema entre dos persona den Mirla Plateweg.

Na yegada di e unidat a topa un dama, ku a deklará

na polis ku e tabatin un dis-kushon ku un hòmer to-kante di un vehíkulo.

Dado momentu e hòm-ber a kuminsá maltratá e dama i a destruí spil di un vehíkulo di e dama.

Polis na e sitio, alre-dedor di 20.45’or a de-

tené e hòmer sospechoso M.M.D. di 26 aña di edat nase na Kòrsou, relashoná ku e maltrato i destrukshon ariba menshoná. A presentá e sospechoso dilanti di un fiskal ouksiliar ku a ordená su enkarselamentu pendi-ente di mas investigashon.

David Seferina di frakshon MFK ta felisitá kuerpo polisial

WILLEMSTAD—Den komienso di fin di siman, Kuerpo Polisial Kòrsou tabata di fiesta. Esaki re-lashoná ku 72 aña di eksis-tensia di e kuerpo. Den e kuadro aki parlamentario pa MFK, David Seferina a manda palabra di felisi-tashon pa kuerpo polisial.

E parlamentario den su karta ta bisa di ta na su lugá

pa felisitá i gradisí esnan ku ta laborá den e kadena hudisial diariamente pa yuda kombati kriminali-dat. “Mi ke gradisí miem-bronan di kuerpo polisial ku den e pandemia ku nos ta bibando aden a sòru pa sirbi i protehá tur siudada-no pa evitá ku e virùs aki ta sigui plama den nos ko-munidat.

Komo parlamentario di frakshon Movementu Fu-turo Kòrsou (MFK) i ku a forma parti di e organ-isashon polisial, mi ke fe-lisitá kuerpo polisial Kòr-sou den su totalidat i yama danki pa boso esfuerso, de-dikashon i ánimo pa sirbi i protehá nos pueblo,” asina karta di e parlamentario ta finalisá bisando.

Detenshon relashoná ku asesinato

WILLEMSTAD-- Kon-tinuando ku e investi-gashon relashoná ku e kaso kaminda a haña un hòmer morto den un pos dia 14 di sèptèmber 2021, e tim ku ta investigá kasonan di homisidio e detené 3 hòm-ber sospechoso.

Djadomingu 26 di sèp-

tèmber ultimo entre 10’or di mainta pa 14.06’or di atardi a detené e hòmber-nan sospechoso J.P. di 51 aña di edat, R.A. di 55 aña di edat, J.C.R. di 60 aña di edat, tur tres nasé na Hai-ti i ta kedando legal riba Kòrsou.

Detenshon a tuma lugá

na West Rondeklip, Kaya Leonard “Leo” Renaud i na Warda di Polis Montaña. Tambe polis a konfiská tres telefòn selular.

A presentá e trio dilanti un fiskal ouksiliar ku a or-dená nan enkarselamentu pendiente di mas investi-gashon.

Kaso di hogamentu

WILLEMSTAD - - Djaluna 27 di sèptèmber último, sentral di Polis a risibí informashon ku un hòmer ku tabata landa na e playa na Parasasa, a fayeré durante di landamentu. Un dama ku tabata huntu ku e víktima, a tuma nota dado momentu ku e hòmer aki tabata kabes abou den awa.

Na momentu ku a yama e víktima e no a reashoná. Mesora ku yudansa di per-

sonanan den besindario, a logra saka e hòmer ku ya no tabata duna señal di bida, for di awa.

Ambulans ku a pre-sentá na e sitio a kuminsá ku reanimashon, pero sin resultado. Dòkter di polis ku a presentá na e sitio, a konstatá morto di e hòmer Hubert Leito nase na Kòr-sou dia 30 di yùni 1943, ku a fayeré debí na e kantidat di awa ku el a guli.

Ministernan di labor i desaroyo ekonómiko ta reuní ku MEO i TUI

WILLEMSTAD—Re-sientemente ministernan Larmonie-Cecilia huntu ku minister Cijntje, a re-uní ku MEO i TUI.

Meta di e reunion ta-bata pa elaborá kon Tui, SOAW i Meo por traha huntu i di e forma aki

ekspandé oportunidat di trabou pa hendenan lokal den e merkado di turismo. Minister Larmonie-Cecilia a enfatisá durante e re-union ku e ke pa e proyek-to aki kristalisá pa asina Kòrsou por tin mas kupo di trabou.

Identifikashon víktima di aksidente

WILLEMSTAD-- E víktima di e aksidente ku a tuma lugá riba dja-mars 13 di yùni 2021, riba Caracasbaaiweg, a fayeré dia 28 sèptèmber

2021, debí na e lesho-nnan ku el a risibí i a keda identifiká komo Marly-son Magno Sommer, nase na Kòrsou, 15 di febrüari 1997.

REKORDANDO +45 AÑA EXTRA

Stazje Italia 2014 a yega su fin

Djamars 15 yùli 2014 KRALENDIJK – Tabata tres siman di trabou duru, pero tambe di eksperensia nobo i momentunan di plaser. E tres simannan aki kaminda alumnonan di SGB i Forma kore stazje na Italia, últimamente a yega su fin. Den presensia di direktor di e skol Luca, kordinador Claudio, konsehero Stefania Gasparini, i fundadó Pastor Don Ivo a tuma lugá e seremonia di graduashon i entrega di sertifikado. Tur hende ta mira tras riba otro ptoyrkto eksitoso kaminda hóbenan boneriano por kohe eksperensia den eksterior.



Programanan di Bonaire.tv

TELBO kanal 70

Flamingo TV kanal 23

Djaluna 4 òktober 2021

- | | |
|---|--|
| 12.00 Aktualidat:
Evert Piar | 18.00 Herensia:
Hiacinta Mercelina 2 |
| 13.00 Aki Korsou:
Tobias Lampe | 19.30 Puerto Latino:
Luis Zárraga |
| 14.00 Herensia:
Hilda de Windt-Ayoubi | 20.00 Herensia:
Elma Campos
Krosedijk |
| 15.00 BAPA:
Xuwen Cen | 21.00 Aki Boneiru:
Eithel 'Praga' Pourier |
| 16.00 Herensia:
Francisco 'Eddy'
Molina | 22.00 Herensia:
Eric Newton |
| 17.00 Aki Boneiru:
Pos di pia | 23.00 BAPA:
Urvin Sint Jago |

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



MONCHI & TONCHI

Tonchi, registro di Ká-mara di Komèrsio nunca por ta kompletu.

Awèl sí. Semper tabatin, tin i lo sigui tin toko den toko.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482
E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Ludovico Nicolaas
Davienuska Janga
Velli Gijsbertha
Ibi Piar (deporte)

Partner na Aruba
Awe Mainta

Layout
Josella Martinez

Aviso
avisobon@gmail.com

Pronóstiko di tempu pa Boneiru Djaluna 4 òktober 2021



Awe i mañan ta okashonalmamente nublá ku chèns pa un áwaseru, posiblemente ku mal tempu. E temperatura máksimo lo ta aproksimadamente 34°C, e temperatura mínimo mas o ménos 28°C. E bientu ost lo ta moderá, 3-4 Bft, mañan e lo ta moderá te basta fuerte, 4-5 Bft. Durante di áwaseru tin chèns pa bientu for di direkshon variabel.

Altura di ola: aproksimadamente 1.0 (3-4 pia). Mañan 1.0-1.5 m (4-5 pia).

* Altura di ola válido pa laman grandi

DI BINTISHETE DJADUMINGU SIKLO B

Promé Lektura : *Génesis 2, 18-24*
Salmo : *Salmo 128, 1-6*
Di dos Lektura : *Hebreonan 2, 9-11*
Evangelio : *Marko 10, 2-16*

Un di e problemanan mas doloroso di e famia moderno ta divorsio. Den novela, den revista, den kòmbersashonnan diario, ta menshoná esaki ku frekuensia. Riba kada dia hopi ta pasa den e eksperensia akí i ta asumí e konsekuensianan. Nos ta mira mayornan separá, yunan konfundí, tenshon, rabia, frustrashon. Despues di purba en bano otro kamindanan di kompreshon i union, ora tur kos faya, ta pensa riba divorsio komo úniko solushon. Hopi tin suèltu despues i ta reorganisá nan bida. Otro nan ta sufri añanan largu di e impreshon di a kibuká nan mes. Tras di e salida akí ku esnan kasá ta haña nan mes aden awe, ta eksistí un problema mashá fuerte: falta di union den famia. Ora di kasa tur hende ta soña ku union i kompreshon. Ora di divorsiá nan sa ku nan a frakasá. Lei sivil ta habri un kaminda i ta asepta divorsio. Pero tambe nos mester konsultá nos konsenshi i nos tin ku puntra Dios kiko ta loke E ta pensa tokante e problema akí. E evangelio di awe por iluminá nos.

Den tempu di Señor, tabatin e mesun problema familiar i lei tabata asepta divorsio. Algun enemigu di Señor tabata ke pone un trampa p'E i nan a puntr'E: Un hòmben por divorsiá di su muhé? Hesukristu ta papia di e plan di Dios na prinsipio, i di e lei di hende. E plan di Dios ta presentá e im-

ágen ideal: keda uní pa semper. Lei di hende ta presentá e realidat ku nos ta biba: ora union ta imposibel, echo ta ku e pareha ta separá. E plan di Dios lo keda semper komo ideal, maske ku realidat humano no ta asina.

Promé kos ku Hesukristu ta pone bon kla ta e sagrado di matrimonio. E union di hòmben i muhé pa forma un hogar no ta un simpel eksperimentu. Si e ta funshoná, e ta kontinuá; si e no ta funshoná, ta suspendé, pa kuminsá di nobo. Tin hòbennan ku ta pensa di siguiente forma: nan ta hunga ku sentimentu i kurpa i nan ta hasi di nan bida un loteria den kua por gana òf pèrdè. Nan no ta duna nan mes tempu nesario pa hasi di nan amor un kompromiso serio ku ta enserá sakrifisio huntu ku alegria. Matrimonio no ta un eksperimentu pasobra ta den wega nada ménos ku dos persona humano ku tur nan dignidat.

Matrimonio ta sagrado pasobra ta un donashon di dos persona i pasobra esaki tabata e plan di Dios, for di prinsipio. Dios, komo un gran artista, a laga pa final di su obra loke ta mas perfekto. Despues di a krea hopi kos: tera, awa, lus, mata i animal, el a krea e promé pareha humano. Beibel ta bisa, Dios a papia ku nos promé mayornan i a bisa nan: "KRESE". I e forma pa krese lo ta entre

dos, siendo nan dos komo un solo persona. Ta p'esei nos komo ser humano nunca por krese nos so, aislá. Pa krese nos tin ku duna i nos tin ku risibí. I e forma mas perfekto di duna i di risibí ta e pareha. Dios a kuminsá papia ku su mes den seno di Trinidad i a bisa: "Laga nos krea hende segun nos imáhen i semehansa". I e ora ei El a krea e promé pareha. Ta di tal forma sernan humano ta parse Dios, nan ta su imáhen, ora nan ta uní. Esaki ta e plan

Lamentabel ta e realidat ku nos ta biba no ta korespondé ku e plan di Dios. Ta p'esei leinan humano ta asepta divorsio. Hesukristu ta bisa nos ku e ta debí na e duresa di kurason. Tin hopi sirkunstansia ku ta hasi ku e kurason ta bira duru. Ora e dosnan stòp di papia ku otro, di komuniká, di un skucha e otro, di kompartí loke nan ta pensa i sinti, nan ta aisla nan mes manera dos mundu denter di e mesun kas. E ora ei e kurason ta stòp di ta sensibel i ta pendiente di e otro persona; e ta bira duru. Ora prekupashonnan material, pobresa, malesa, problema di yunan ta yena e dia ku problema sin solushon, e ora ei e kurason ta stima ménos i ta bira duru. Ora tin infidelidat

inspirashon i nobenta i nuebe porshentu esfuerso". Loke ke men ku e mihó talento, si e no hasi esfuerso, no ta logra nada. Mi ta kere ku algu semehante ta pasa den matrimonio ku ta keda uní: nan tin ku lucha tur dia pa konservá e union, apesar di e rutina, di e diferensia den karakter, di e kambionan di humor. Suerte no ta bin si no busk'é. I TA felis ta dependé hopi di e energia ku nos ta inbertí pa yega n'e. Dios a pone e matrimonio humano komo un reto, pa krese huntu. E sakramentu di Iglesia ta pone e esposonan komo un señal di union dilanti di sosiedat ku no ta kere den amor, sino den eksplotashon.

Ta curioso ku den esena di e evangelio ku nos a lesa ta papia mesora di e mucha. Señor ta gusta mucha. Nan ta



di Dios. Pa e motibu akí, matrimonio ta sagrado, pasobra e ta korespondé na e idea ku Dios a hasi di humanidat: uní pa medio di amor i kompreshon, un refleho di Dios riba tera.

entre esposo i tin un di tres persona ku ta dividí e kurason, esaki ta bira indiferente i duru. Den kasonan asina ta normal ku bida entre nan dos ya no ta e felisidat ku nan a soña kuné na hòben, sino un krus òf un prizòn. Ta splikabel ku pa hopi persona e úniko kaminda ku ta ser presentá na nan ta esun di separashon. Pero ku tristesa tur hende sa ku esaki no ta loke nan tabata ke na prinsipio, ni loke Dios tabata ke pa nan bida.

Tin otro pareha ku ainda ta selebrá ku goso nan sinkuenta aña di matrimonio. Nos ta mira esakinan ku respèt, kisas ku envidia. Nos ta bisa nan tabatin suèltu! Ta pensa nan tabata balente! No únikamente e faktor suèltu ta loke ta hasi ku un hogar ta felis. Hopi ta dependé di e esfuerso humano. Na muraya di un tienda tabatin un frase original skirbi ku tabata bisa: "Genio ta UN porshentu

nan mes i no tin e falsedat di adulto. Nan ta aserká, nan ta uní. Ku esaki, Hesukristu ta rekordando esnan kasá ku nan no por tuma desishon di separá sin pensa riba e muchanan. Nan ta fruta di e amor entre nan dos. Nan tin e derechi di sigui risibí amor di e dos mayornan i di mira den nan un ehèmpel di amor, pa por krese normalmente.

E eukaristia ku nos ta selebrando awe ta tambe un señal di union di Señor ku nos. Laga nos pidiÉ pa e yuda nos pa buska union den nos famianan. Si nos hogarnan ta uní, ku E duna nos energia pa konservá e union. Si nos biba e eksperensia di separashon, ku E yuda nos pa enfrentá ku balor tenshonnan ku bida ta trese pa nos.



Grupo Hòmbenan di Fortalesa den Kristu ku otro enkuentro

"Drenta su portanan ku gradisimentu, dreña su tèmpel ku kantika di alabansa, glorifik'E, bendishoná su nòmber." (Salmo 100)

Ku gran plaser Grupo Hòmbenan di Fortalesa den Kristu ta invitá nos hòmbenan na nos enkuentro bon bishitá di kada luna.

Detayenan

Fecha: **djaluna 4 òktober 2021**
 Ora: **7:30 p.m. (mitar di 8 anochi)**
 Lugá: **misa Sta. Maria Auxiliadora**

Amigu, si tin opstákulo pa bo yega kas di Señor, sigur no t'E a pon'é!!

Preparashon pa di 5 edishon “Torneo Waterpolo Internashonal”

KRAKENDIJK--Preparashonnan ta tumando lugá pa e di 5 edishon di e torneo internashonal di “waterpolo” ku lo tuma lugá aki riba nos isla di djáron 27 di òktober pa djadumingu 31 òktober 2021.

Esaki ta organisá pa “Bonaire Barracudas Swim & Waterpolo Team” den koperashon ku “Bonaire

Aquatics Bond”.

Ya ta basta dia kaba e preparashonnan pa e torneo aki a kuminsá, di kua e Pandemia di Covid19 a hunga un ròl den esaki strobando ku hopi pais mester a kanselá nan biahe pa Boneiru.

E torneo manera ya nos a trese na publisidat, lo tuma lugá na dos sitio.

Unu ta den laman dilanti Parke Tului pa Playa Pa-

bou, esaki dlanan 27 i 28 di òktober 2021.

E di dos sitio di e kompetensianan ta Waf di Nort di 29 pa 31 di òktober 2021.

Ta trata di un torneo ku kompetensianan habrí pa senior, ku ta duna e posibilidat pa tantu timnan maskulino komo tambe femenino por partisipá.

Meta di e torneo aki ta pa atletanan di rònt mundu

bini huntu pa pasa plezir ku otro i siña konosé otro.

Pa logra esaki e organisadónan ta traha huntu ku OLB i tambe “havenmeester” i otronan.

Tin enorme interes pa e torneo aki, di kua tin un total di 11 tim ku ya a inskribí nan mes pa e torneo aki.

Den e kategoria maskulino tin 7 tim ku ya e registrá, kategoria femenino/

mix 5 tim a registrá nan mes pa e torneo.

Despues nos lo bini ku mas informashon di e paisnan ku ya a inskribí i konfirmá nan partisipashon pa e di 5 edishon di e torneo internashonal aki di “waterpolo” organisá pa “Bonaire Barracudas Swim & Waterpolo Team” den koperashon ku “Bonaire Aquatics Bond”. Éksito..

Boneiru a gana Kòrsou U20 i pasa pa final

KRALENDIJK--Nos selekshon di futbòl ku a biaha djabièrnè último pa Kòrsou pa Torneo 100 Aña FFK ku ta e federashon di futbòl di Kòrsou, djabièrnè último den partido ku a tuma lugá 6or atardi, a gana di Kòrsou U20 i asina tambe klasifiká pa e final di e

torneo ayera tardi.

Pa loke ta e partido djabièrnè último, nos selekshon a gana Kòrsou U20 ku skor di 4-3 ku golnan di Yurick Seinpaal ku a hinka 2 gol, Jermaine Windster i Fabio Hierck a hinka 1 gol kada unu pa duna Boneiru e viktoria di 4-3 riba Kòrsou



U20.

Pa loke ta e otro partido entre e promé selekshon di Kòrsou i Aruba, Kòrsou a

goliá Aruba ku skor di 7-1.

Ku e resultadonan aki, djadumingu último o sea ayera tardi 4or, nos selekshon a topa ku e promé tim di Kòrsou den final pa Kopa 100 Aña FFK ku ta e federashon di futbòl di e isla ruman Kòrsou.

Den nos edishon di mañan nos lo tin mas informashon i resultado di e par-

tido final aki entre Boneiru i Kòrsou.

E delegashon di nos isla lo regresá kas awe djaluna den oranan di mainta.

Riba potrètnan e selekshon di Boneiru, rèfrinan ku a dirigí e partido huntu ku e kapitannan di e selekshonnan, tambe e kuerpo tékniko i masahista di Boneiru.

S.V. Vespo lo por pèrdè un tremendo hungadó

KRALENDIJK--Mui probabel e supkampionnan di futbòl di nos isla ku ta s.v. Vespo di Rincon, lo por bai pèrdè un gran futbolista gol den e próksimo temporada di futbòl di nos isla.

Informashonnan ku nos tin ta mostra ku e hungadó aki a keda aserká pa un klup di futbòl di un di e otro islanan ABC ku a mustrar interes den e hungadó aki ku ta di Kòrsou.

Nos tabatin kontakto ku

un di e dirigentenan di s.v. Vespo ku a konfirmá esaki pa nos, tresiendo dilanti ku enbèrdat e hungadó aki ta pensa na bai pa un otro reto.

Nos a papia tambe ku e hungadó aki mes tambe, pa kua e no a desmentí esaki pero mas bien a bisa ku nada no ta konkreto ainda.

Ku otro palabra, si nos konkluí, nada no ta kompletamente kla ainda entre e hungadó aki i un ekipo di Aruba ku a mostra in-

teres den e hungadó gol aki ku sigur a yuda s.v. Vespo hopi den e temporada tras di lomba. Asina ku nos tin mas informashon i tambe konfirmashon di esaki, nos lo duna publisidat na esaki.

Pa étika komo ku nada no ta konkreto ainda, nos ta wanta un ratu ku nòmber di e hungadó i tambe di e klup di Aruba ku a mustrar interes den e hungadó aki, anke ku riba kaya esaki ta papiá kaba.




Bo mester di ayudo di emergensia?

Yama 911 mesora!

politie@politecn.com




www.politecn.com



tandprothetische praktijk

BONAIRE

tandprothetische praktijk



AKI TA TRAHA I DRECHA PLANCHA PA DJIENTE. BO TA WARDA MIENTRAS NAN TA DRECHE, SERVISIO RAPIDO.

djaluna pa djaweps: 9'or mainta pa 12'or merdia, 2'or te 4'or di atardi.

djabierne: 9'or mainta pa 12'or merdia, atardi ta SERA.

E.M. Rijswijk

Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)



Robert Maduro

Music Vibes

BròKèS 93.5^{FM}

Skuch'è

Djasabra 11or am - 1or pm
Djadumingu 10or am - 12or pm

WhatsApp; +297 742 1812

 Radio BròKèS 93.5 Boneiru
<http://brokes935fm.radio12345.com>

PARTISIPASHON IMPORTANTE



Pa tur informashon i komunikado den EXTRA/ BONERIANO, por favor usa mail: extrabon@gmail.com



super special



15.6" HP LAPTOP **\$499**



WIRELESS PRINTER **\$65**

hp OFFICIAL STORE



Lenovo
10.3" FHD TABLET **\$219**



POWERBANK **\$37.95**



BONAIRE REGATTA 2021



Smart shopping ► Better living

 Kaya International #36  www.cityshopbonaire.com  City Shop Bonaire

 +599 717.36.66  info@cityshopbonaire.com  +599 700.64.42